

杭州圖書館

◎杭州圖書館

明詩綜卷一上

小長蘆 朱彝尊 錄

休陽 汪 森 評

太祖高皇帝 三首

帝諱元璋姓朱氏字國瑞濠之鍾離東鄉人元

至正十一年辛卯起兵丁未稱吳元年戊申建

元洪武在位三十一年崩葬孝陵 在應天府治東  
北鍾山之陽 永

樂元年上尊諡曰聖神文武欽明啓運俊德成

功統天大孝高皇帝廟號太祖嘉靖十七年改

上尊諡曰開天行道肇紀立極大聖至神仁文

義武俊德成功高皇帝有御製詩集五卷

明詩綜卷一上

神鳳操

鈞天奏兮列丹墀俄翩翩兮鳳皇儀斂翱翔兮棲梧枝

彼觀德兮直為我辭

鍾山賡吳沉韻

嵯峨倚空碧環山皆拱伏遙岑如劔戟邇洞非茅屋青

松秀紫崖白石生玄谷巖畔毓靈芝峰頂森神木時時

風雨生日日山林沐和鳴盡啼鶯善舉皆飛鶴山中道

者禪隴頭童子牧試問幾經年答云常辟穀

春望牛首

遙岑峙立勢蒼然春日鶯啼景物鮮壘嶂倚天江月外

三山映帶石城邊

劉基曰皇帝提一旅之眾龍飛淮甸不十年間奄有區宇自古以來武功之盛未有也及夫萬幾之暇作為文章舉筆立就莫不雄深宏偉言雅而旨遠真所謂天生聰明可望而不可及者矣宋濂曰皇帝臨御以來用人文化成天下縱聖能形諸翰揮灑之際不待凝神而思若淵泉有長江大河一瀉萬里之勢自然度越千古郭傳曰自漢而下興王代作然文經武緯一弛一張率不能兼濟其美惟唐太宗以兵力定亂及踐祚之後詞章奮發論者以其難奇鏘鏘徒與騷人韻士爭錙銖之巧惟皇上以一旅取天下不數年間混一南北至萬幾之暇復游心道學志存詩書寓辭竹帛制管翰竟無停機一揮數千百言粹然出於情性之正解縉曰臣少侍高皇帝早纂載筆墨楮以俟聖情尤喜為詩歌審思英發雷轟燭玉音沛然數千百言一息無滯嘗輒草書連幅筆不及成點畫上進才點數韻而已或不更一字放言喜誦古人鏗鉤炳朗之作尤惡寒酸呶嚶齷齪鄙陋以為衰世之調為不且觀詩僧宗泐進所精思刻苦以為得意之作百餘篇上一覽不竟日盡和其韻雄深闢偉下視泐詩真大明之於燭火也陸欽曰洪惟太祖應天順人創業垂統巍乎成功煥乎文章稱盛美矣鄭曉曰上初不識書每退朝暇延接儒士講論經典又取古帝王嘉言善行書之殿廡出入省視作為文章揮筆立就或命侍臣立榻下操觚授詞混漚千言皆渾雅高簡洞達物情動引經史立法萬世高岱曰太祖以武功定天下而崇尚文學如飢渴之於飲食每得儒生皆待以腹心帷幄朝夕諮訪不倦至於解析經義又多天縱神啓有非老師宿儒之所能及者朱國祚曰高皇帝詩發乎天籟自然成音當日春歌颺言匪僅

明詩綜卷一上

二

唐吳樂宋四學士而已若峇祿與權吳伯宗劉仲質張翼宋璠朱莘桂慎戴安王翬周衡吳詩馬從馬懿易毅盧均斐植李索韓文輝曹文壽單仲右諸臣進詩成聲其韻今諸臣之作

十九無聞而聖藻長垂宇宙萬矣美矣  
靜志居詩話孝陵不以馬上治天下雷雨賢才天地大文形諸篇翰七年而御製成集八年而正韻成書題詩不卷之蒼置酒滕王之閣賞心胡閏蒼龍之詠擊節王佐黃馬之謔日曆成編和黃秀才自作大官設宴醉宋學士有歌顧天祿經進詩篇披之便殿桂彥良臨池喚句墮於巖言韻事特多更僕難數惟其愛才不及因之觸物成章宜其開創之初遂見文明之治江左則高楊張徐中朝則詹吳樂宋五先生斐聲楮表十才子奮起閩中而三百  
年詩教之盛遂超軼前代矣

成祖文皇帝

一首

帝諱棣高皇帝第四子初封燕王之國北平建

文元年稱兵靖難四年入金川門建文帝自焚

或傳  
帝即位革除建文年號稱洪武三十五年踰

年建元永樂在位二十二年崩於榆木川薈長

陵 在昌平州北一十八里天壽山

謚曰體天弘道高明廣

嘉靖十七年更廣為肇運

聖武神功純仁至孝文皇帝廟號太宗嘉靖中

更成祖有御製集

### 勃泥長寧鎮國山詩

實錄永樂六年十二月丁丑遣中官張謙行人周航護送嗣浣泥國王  
暹旺等還國初故浣泥國王麻那惹加耶乃言家朝廷厚恩賜財王爵  
國之境土皆屬職方而國有後山乞封為一國之鎮至是其子返旺復  
以為請遂封其山為長寧鎮國之山命謙等即其地樹碑上親製文系  
詩之以

炎海之墟浣泥所處煦仁漸義有順無忤悽悽賢王惟  
化之慕導以象胥適來奔赴同其婦子兄弟陪臣稽顙  
闕下有言是陳謂君猶天遣其休樂一視同仁匪偏厚  
薄顧茲鮮德弗稱所云浪舶風檣實勞懇勤稽古遠臣  
順來怒赴以躬或難矧曰家室王心亶誠金石其堅西  
南蕃長疇與王賢蠱蠱高山以鎮王國饒文於石懋昭  
王德王德克昭王國休寧於萬斯年仰我大明

### 明詩餘卷之一

三

錢謙益曰帝神武不烈戎馬之餘鋪張文治御製集藏弃天府不傳人  
間惟賜祭公詩御書用紫粉金龍箋後題云八月十三日旁有為善最  
樂圖書少師攝至常熟入餘慶書院守僧淨心少與榮公同衣鉢謂之  
曰御製第二詩有餘慶二字留此永鎮山門今在院中 沈德符曰文  
皇帝封外國山者凡四永樂三年十月封滿刺加國西山曰鎮國山四  
年正月封日本國鎮山曰壽安鎮國之山六年十二月封浣泥後山曰  
長寧鎮國之山十四年十二月封柯枝國中山曰鎮國山皆出御製詩  
文以炳耀海外且詞旨雋辭斷非視草解揚諸臣所能辦因思唐文皇  
兵力僅伸於漠北而屈於遼水若文皇帝威德直被東

南古所未賓之國最肩宮碑昭回雲漢萬機所無也  
述話長陵稱兵靖難踐位之後加意人文成均視學有碑闕里榮崇有  
述以及始蘇寶山之石武當太岳之宮靡不親製宸章勒之豐碣而又  
五經四書性理大全有書聖學心法有書大典有書文華寶鑑有書為  
善陰隲有書孝順事實有書務本之訓有書不獨紀之以事抑且系之  
以詩至於過兗州則賜魯藩於吳則壽榮國交趾明經甘潤祖等一十  
一人庶常吉士曾榮等二十八宿咸承寵渥三勒石於幕南之廷四建

碑於海外之國此諡法之所以定爲文與由是文子文孫復加繼述內閣則有三楊翰林則有四王尚書則東王西王祭酒則南陳北李觀燈侍宴拜手處

歌嗚呼盛矣

仁宗昭皇帝 二首

帝諱高熾成祖長子建元洪熙在位一年崩葬

獻陵

在天壽山西峰之下

諡曰敬天體道純誠至德弘文欽

武章聖達孝昭皇帝廟號仁宗有御製文集二

十卷詩集二卷

冬至賜贊善徐好古

清朝盛文治輔德資儒者念彼筋力倦趨朝諒非宜賦詩有佳致納誨多良規起予得深趣歡懷浩無涯新陽屆初復况此承平時酬勞有尊酒庶以勞期頤

明詩綜卷一上

四

池亭納涼

夏日多炎熱臨池憩午涼雨滋槐葉翠風過藕花香舞燕來青瑣流鶯出建章援琴彈雅操民物樂時康

詩話獻陵天稟純明雅志經術東朝監國命徐贊善述纂尚書直指進講詩成亦命善述吟今旨呼其字而不名又嘗與曾少詹齊廉和如江樓秋望詩云塘洲晴亦雪樞岸書常竄絕似唐太宗設享年加永則成功文章魏煥何如焉

宣宗章皇帝 九首

帝諱瞻基仁宗長子建元宣德在位十年崩葬

景陵

在天壽山東峰之下

諡曰憲天崇道英明神聖欽文昭

武寬仁純孝章皇帝廟號宣宗有御製文集四

十四卷詩集六卷

倚蘭標

有序

昔孔子自衛反魯隱居國中見蘭之茂與衆草  
伍自傷不逢時而託爲此操予慮在野之賢有  
未出者故擬作焉

蘭生中谷子曄曄其芳賢人在野子其道則光嗟蘭之  
茂子與衆草爲伍嗚呼賢人子汝其子輔

思賢詩

有序 宣德九年正月

予嗣守祖宗大位夙夜兢惕思惟致治之道必  
有賢臣相與贊輔雖屢詔求賢然恭默之思未  
已乃作詩以著予志詩曰

天命有赫付畀萬方肆予承之夙夜弗遑亮天之工其  
責在予亦惟求賢以作心膺堯舜大聖咨于臣鄰湯武  
致治敷求哲人稷契皋夔周召伊傅同德一心以匡以  
輔惟時匡輔百工允釐治效之隆臻于皞熙悠悠我心  
念之勿置欲得羣賢以弼予治告言惓惓束帛戔戔命  
彼皇華歷于丘園庶幾多才拔茅連茹奮其功庸翼我  
王度惟天昭昭維嶽降靈篤生賢哲聿馳駿聲啓心沃  
朕以迪先德揚其耿光有永無斁

賜許廓巡撫河南

實錄許廓字文趨河南襄城人由國子生授錦衣衛經歷擢工科給事  
中轉鴻臚左寺丞升兵部右侍郎洪熙元年轉左侍郎宣德六年升兵  
部尚書嘗歷從北征董讓運交趾入職方朝廷遣廓往覆實戶口田  
賦尋召還後命括撫河南流民歸者數萬戶尚書張木卒以廓代之

河南百州縣七郡所分治前歲農事缺旱潦始復繼衣  
食既無資民生曷由遂顧予位民上日夕懷憂媿爾有

敦厚資其往勤撫字徙者必輯緩饑者必賑濟咨詢必周歷毋憚躬勞勤虛文徒瑣碎所至皆實惠勉旃罄乃誠庶用副予意

### 閔農詩示吏部尚書郭進

雷禮列卿紀郭進初名進字時用保定新安人由國子生出身永樂初爲戶部主事歷遷福建參議山東參政進工部右侍郎改吏部洪熙初兼少詹事宣德初命掌行在詹事府事進尚書

農者國所重八政之本源辛苦事耕作憂勞亘晨昏豐年僅能給歉歲安可論既無糠覈肥安得溫絮溫恭惟祖宗法周悉今具存遐邇同一視覆育如乾坤嘗聞古循吏卓有父母恩惟當慎所擇庶用安黎元

### 示戶部尚書夏原吉

明詩繪卷一上

六

關中歲屢歉民食無所資郡縣既上言能不軫恤之周禮十二政散貨首所宜給帛遣使者發廩飭有司臨軒戒將命邁往毋遲遲命下苟或後施濟安所期吾聞有道世民免寒與饑循己不違寧因請書媿詞

### 捕蝗詩示尚書郭欽

雷禮列卿紀郭欽字仲厚東昌梁邑人洪武癸酉中鄉試後入太學擢戶部主事出知衢州府庶務舉邑爲監察御史升河南布政司左叅政調陝西以禮部尚書湖廣薦擢禮部右侍郎巡撫順天等處洪熙初降太僕卿旋進戶部左侍郎兼詹事府少詹事宣德二年升戶部尚書

蝗蝻雖微物爲患良不細其生實蕃滋殄滅端匪易方秋禾黍茂芄芄各生遂所忻歲將登奄忽蝗已至害苗及根節而况葉與穗傷哉隴畝植民命之所繫一旦盡于斯何以卒年歲上帝仁下民詎非人所致修省勿敢



怠民患可坐視去螟古有詩捕蝗亦有使除患與養患  
昔人論已備拯民於水火勗哉勿玩愒

### 減租詩

實錄宣德七年三月庚申朝勅諭行在部院近年百姓稅糧遠運艱難官田糧重艱難尤甚自宣德七年為始但係官田塘地稅糧不分古額近額悉依五年二月勅諭恩例減免中外該管官不許故違辛酉上退朝御在順門謂尚書胡濙曰朕昨以官田賦重百姓苦之詔減十之三以蘇民力嘗聞外間有言朝廷每下詔蠲租稅而戶部皆不準甚者文移戒約有司有勿令減租之令務在必行書曰民惟邦本本固邦寧不使下流其咎若何今詔租之令務在必行書曰民惟邦本本固邦寧有子曰百姓不足君孰與足卿等官士人豈不知此朕昨有詩述此意卿當體念勿忘也六月戊子朔知蘇州府事况鍾上言近奉詔書官民田地有荒蕪者各人佃種官田準民田起科無種者勸實除豁租額臣勸得崑山等縣民以死徙從軍除籍者三萬三千四百七十二戶所遺官田各人佃種應準民田科者二千九百八十二頃其間應減秋糧一十四萬九千五百一十石已嘗申達戶部未奉處分况官田有沒入海者糧額尚在乞著如詔書除豁從之七月戊午戶部奏直隸松江府屬舊設官田宜準民田例起科古額官田積年逋負稅糧擬請蠲以聽民困上從之仍令今後各處官田糧俱準此例

### 明詩綜卷一上

一

官租頗繁重在昔蓋有因而此服田者本皆貧下民耕作既勤勞輸納亦苦辛遂令衣食微曷以贍其身殷念惻予懷故跡安得循下詔減十三行之四方均先王視萬姓有若父子親茲惟重邦本豈曰矜吾仁

### 憫旱詩

實錄宣德六年乙酉上以天久不雨禱祠未應憂之作憫旱詩

亢陽久不雨夏景將及終禾稼紛欲槁望霓切三農祠神既無益老壯憂忡忡饘粥不得繼何以至歲窮子為兆民主所憂與民同仰首瞻紫微顛天攄精忠天德在發育豈忍民瘼痾施霖貴及早其必昭感通翹跂望有淪冀以蘇疲瘵

草書歌賜程南雲

有序 宣德七年二月

朕幾務之餘游心載籍及徧觀古人翰墨有契於懷嘗賦草書歌以寓意焉以爾日侍之勞書以賜之

草書所自何所授初變楷法爲章奏當時作者最得名  
崔瑗杜度張伯英三人真蹟已罕見後來繼之有羲獻  
筆端變化妙入神逸態雄姿看勁健風驚電掣浮雲飛  
蛟龍奮躍猛虎馳漢晉草法千載師張顛藏真亦絕奇  
一代精藝才數輩遺墨千人萬人愛固知頓挫出腕力  
亦用飛動生神采采古來篆籀今已譌何況隸草譌愈多  
吾書豈必論工緻誠懸有言當默識

明詩綜卷上一

八

何喬遠曰章皇寤寐思賢未嘗一日去書下筆盡通皆傳修齊治平之道翰墨圖畫隨意所在盡極精妙 錢謙益曰帝天縱神敏遜志經史長篇短歌援筆立就每試進士輒自操程文曰此不啻會元及第耶詭幾之暇游戲翰墨點染寫生遂與宣和爭勝而運際隆熙治隆文景君臣同游靡歌繼作則尤千古帝王所希邁也

詩話景陵當海宇承平之日肆意篇章嘗於九年元夕羣臣觀燈各獻詩賦屢成六冊皆今已無存即所遺御製集諸詩視氏如傷從善不及宜薛祿武人比之南仲山甫而拊心感泣也

英宗睿皇帝

一首

帝諱祁鎮宣宗長子建元正統十四年北狩皇弟郕王祁鈺奉皇太后令即皇帝位改元景泰尊帝爲太上皇帝景泰元年帝還自迤北居南宮七年奪門復辟改元天順八年崩葬裕陵

門山距獻陵西三里

謚曰法天立道仁明誠敬昭文憲武至

德廣孝睿皇帝廟號英宗有御製詩文一卷

漢江歌賜襄王

漢江滔滔出番禺子偉茲巨浸壯南邦子萬有千里流  
無窮子透透迤迤志必東子於戲漢水殆與天地同始  
終乎

慶道南曰粵稽諸古大舜御雲之歌文王鳳鳥之詩太和氤氳溢於帝  
籙逮乎漢祖大風之詞霸心猶在唐宗興慶之賦王跡微惟吾皇祖  
親撰鐘山之賦及閩江諸詩英廟載製峴山之賦及漢水  
諸詩直可追軼虞休上煇姬美豈漢唐諸君所可企及哉  
詩話裕祿以冲齡繼寶命即崇尚文治賜循良以招隱之歌及翠華遠  
駕禁葦門而覘首襄陽頻頽家落昭同雲漢爛若星辰固知胡漢春  
塵南宮夜雨文字之助所得良深耳御製詩文一冊後附寶文圖書卷  
對酒常諸作今曰襄王憲王瞻墟也仁宗第五子宣德四年受封之國  
長沙正統元  
年遷襄陽府

憲宗純皇帝一首

明詩錄卷一上

九

帝諱見濟初名見深英宗長子建元成化在位

二十三年崩葬茂陵

在聚寶山距  
裕陵西一里

諡曰繼天凝道誠

明仁敬崇文肅武宏德聖孝純皇帝廟號憲宗

有詩集四卷

闕里孔子廟詩

天生孔子縱之為聖生知安行仁義中正師道興起從  
游三千往聖是繼道統流傳六經既明以詔後世三綱  
五常昭然不替道德高厚教化無窮人極斯立天地同  
功生民以來卓乎獨盛允集大成實天所命有天下者  
是尊是崇曰性聖道曷敢勿宗顧子眇躬承此大業惟  
聖之謨於心乃愜用之為治以康兆民聖澤流被萬世

聿新報典之隆尤在闕里廟宇巍巍于茲重美文諸貞

石以光于前木鐸遺響於千萬年

成化四年六月

詩話茂陵撰文華大訓一十八卷以進學養德厚倫明治為綱聖敬日  
蹟終始典學間留意於詩章益莊王勿齋集有恭大皇帝祖憲宗皇帝四  
景連環詩韻四首則當時天潢曾  
頌諸藩服惜乎今不得而見之矣

孝宗敬皇帝一首

帝諱祐楹憲宗長子建元弘治在位十八年崩

葬泰陵

在史家山距茂陵西北二里

謚曰建天明道誠純中正聖

文神武至仁大德敬皇帝廟號孝宗

闕里孔子廟詩

聖人之生天豈偶然命之大君俾贊化權二帝三王君  
焉克聖繼天立極道形於政大化既洽至治斯成巍巍

蕩蕩渾乎難名周政不綱道隨時墜孔子聖人而不得

位乃稽羣聖乃定六經萬世之師於焉足徵自漢而下

數千餘歲褒典代加有隆無替於皇吾祖居正體元六

經是師卓爾化原列聖相承先後一揆逮及朕躬思弘

前軌廟貌載崇祀事孔裡經言典訓彌謹彌敦俗化治

成日升川至斯道之光允垂萬世

弘治十七年閏四月

明詩錄卷一上

十

李東陽記曰弘治甲子春正月重建闕里孔子廟成上親製碑文祝辭  
遣臣東陽申祭告臣東陽奉命以閏四月丁卯陞辭祭未至于廟衍聖  
公臣聞韶率族人迓于郊遠迓大小夾會者數百計前三日時雨降及  
期雨霽禮成之後星月朗耀神人懽暢歌工舞佾奉器執事之紀下逮  
胥史僕從皆忻然如雲之從風水之赴壑有不令而集者敢紀成事  
用告來世若闕揚道德以彰教化則李章宸翰昭如日星有目者所共  
觀臣何敢贊一辭哉 朱國祚曰敬皇帝恭儉慈怒寬仁愛人清問共  
燕端坐肅然檢束身心謂嘗宜如是至於臨朝聽政剛毅果斷人莫敢  
撓而又霽色虛懷屬精訪落諫說雖切每見優容顧問大臣殆無虛日  
減膳節用尚德綏刑織造之役常紆蠲租之詔屢下十八年間與民休

息培養太和跡其治効已

庶幾於唐虞三代之盛矣

詩話泰陵聖學緝熙德修時敏非惟政事之勤實啓人文之化置永樂大典于便殿暇即省覽又命儒臣集歷代御製詩以為規範其賜李東陽靜中吟一首論者謂同二帝典謀三王訓誥焉帝既詔落羣臣哀婉之章徧於朝野有云日月無私照乾坤仰聖功孝可通金石誠能動鬼神雲容常異日露禱必深更歲早憂疑獄天寒關戍兵近臣常造膝元老不呼名孝宗天子真聖人平生好武復好文多咨謀武藝略坐鎮海宇清風塵李東陽詩也人問何日忘弘治天下茲辰哭孝宗宗揚一清詩也閻坦獨招詔丁寧鯁戍金儲謹詩也年年揮淚地不見長蒼苦顏命託三公何景明詩也當時侍從者慟哭幾人存徐禎卿詩也桐宮如何乞長奉泰陵園邊貢詩也誰期陵樹果猶許侍臣管王廷相詩也微官渾忘却唯記孝皇年鄭善大詩也弓劍仙原闕謳歌帝德昭王極固灼然矣近聞史局有專毀泰陵非令主者將使是非混淆是不可以辨不

世宗肅皇帝 二首

帝諱厚燠興獻王子憲宗之孫武宗無子入繼

明詩綜卷一上

十一

大統建元嘉靖在位四十五年崩葬永陵 在陽翠嶺距長

陵東南三里 謚曰欽天履道英毅聖神宣文廣武洪仁

大孝肅皇帝廟號世宗有御製詩賦集共七卷

御經筵講大學衍義有感賦此

帝王所圖治務學當為先下作民之主上乃承之天致治貴有本本端化自平人君所學者其序有後前正心誠其意志定必不遷吾志既能定理道豈復顛身修本心正家國治同然國治乃昭明萬邦斯協焉於變帝堯典思齊文王篇萬國修身始朕念方拳拳

張堂等重編內府書目曰嘉靖六年大學士楊一清賈詠翰林學士翟燮進講大學衍義御製五言古詩一章用金龍箋書一清等恭和集為一册名劄學詩降勅諭答上用欽文之寶勅首三臣銜皆御筆也

賜賈詠詩

卿本中州俊簡在登台衡君臣際良難所貴德業并朕  
固亮卿志夙夜懷忠貞卷阿有遺響終聽鳳皇鳴

譚希思曰帝博綜經史親禮儒臣平臺召對西苑奏歌謠然如家人父子然終不少假以威福纂言屬意直抒自得往往有發前聖所未發者  
錢謙益曰帝萬幾之暇喜爲詩文嘗與閣臣費宏等聯唱張柱忌而阻之以爲雕蟲小技不足勞聖慮是時館閣大臣之黼黻之才不能有

光聖學

可歎也

詩話世廟受天永命樂備禮明尤勤勤于韻語當時受賜者郭武定勳費文憲宏楊文襄一清石文介珪張文忠字敬李文康時夏文愷言朱尚書衝他若席文襄書以病日期以弼亮趙尚書鑑以致仕嘉其止足能受御墨往往傳之世家而一清嘗歸田時武尚南巡親幸其第賜之絕句十二首其在政府詠元宵有愛看水輪明似鏡之句世廟以其類中秋易以愛看金蓮明似月兩朝寵遇宸翰燁燁尤稱千古盛事云

神宗顯皇帝 二首

帝諱翊鈞穆宗莊皇帝長子建元萬曆在位四

明詩綜卷一上

十一

十八年葬定陵

在大峪山距昭陵北一里

謚曰範天合道哲肅敦

簡光文章武安仁止孝顯皇帝廟號神宗有集

一卷

画省山龍王廟碑詩

有序

画省山龍王廟在都城西一舍其地故有泉潭  
相傳以爲龍之所居即其旁爲廟祀龍王焉成  
化壬辰憲宗純皇帝禱雨有應新其廟而勒辭  
于豐碑萬曆十有三年春夏不雨麥稼焦枯以  
五月往禱于廟浹旬之間嘉澍屢霑郊野霑足  
三農怵舞爰出內帑金錢重增葺之爲之記而

系以銘詩

於赫龍王不顯其光上下帝芻噓翕無方爲雷爲霆爲雲爲雨有開必先靡求不與我求伊何黍稷稻梁爾與伊何千倉萬箱眷山之下龍王之宇迄用康年穀我士

女

### 灤縣景命殿詩

實錄萬曆三十六年勅建景命殿于灤縣永樂店聖母皇太后誕育之地上海製碑文系之以詩

翼翼京邑灤水滌之璇源遠濬載奠坤維尊靈長樂歡洽重闡縣縣景命百祿咸宜睠茲湯沐啓瑞集禧周原臨臨寶殿攸基重門邃閣崇敞透迤仁祠左拱靈宇右麗薨連棟接鳥革翬飛虹祥式闡慈念載怡爰及薄海耀景咸熙聖母之德綏此蒸黎百千萬禩永永無隳

### 明詩綜卷一上

十三

錢謙益曰帝天藻飛翔留心翰墨每攜大令鸚頭九帖虞世南臨樂毅論米芾文賦以自隨內府藏顏魯公書得之如拱璧命江陵相裴濟題識珠囊錄凡未嘗一日去左右若勸學詩一章御書賜大監孫隆刻石吳中者也沈德符曰帝髫年即工八法賜江陵吳門諸輔臣堂扁已極偉麗其後漸入神化批荅詔旨間有改竄龍翔鳳翥運筆之妙有顏柳所不逮者可謂天縱多能矣

詩話定陵筆精墨妙嘗親寫文恪公舞唐文恪公殿試卷御書第一甲第一名六字皆瘦硬通神餘如來青關海定諸扁亦然嘗片草韻辨體一書備古今翰墨之變內府向藏御製詩文一卷今已無存列朝詩集所載勸學詩一章未必出於御製也謹錄龍王廟景命殿二碑銘詩廟在畫眉山俗名金山口成化中禱雨有應而建是碑立于萬曆十三年殿在灤縣永樂店萬曆三十六年勅建爲孝定皇太后祀蒼俗所稱九蓮菩薩者是

### 莊烈愍皇帝一首

帝諱由檢光宗貞皇帝第五子天啓七年以信王入踐位建元崇禎臨御十七年寇陷京師殉

社稷葬思陵

在鹿馬山

賜石砮土司秦良玉

蜀錦征袍手製成桃花馬上請長纓世間不少奇男子  
誰肯沙場萬里行

王世德曰四川石砮土司女帥秦良玉帥師勤王召見賜絲幣羊酒銀  
牌御製四詩旌之帝即位春秋方十七魏璫竊國柄積威震天下乃不  
動聲色翦除之其才豈中主所可及而畏天災遵祖訓動經延崇節儉  
察吏治求民瘼種種聖德朝野共聞使德才堪辦賊之臣為之輔君臣  
一德將相同心則太平何難致乃不

幸有君無臣卒歿身殉社稷悲夫

詩話思陵聖學時敏甲乙之夜不暇經書又妙解音律嘗於深宮鳴琴  
製於變時雍之曲躬幸太學御經筵會粹四聲之書特擢五經之士用  
人惟己立賢無方便殿詩不多作然長殿小扇往往流傳人聞其最傳  
望道未見八字於便殿詩不多作然長殿小扇往往流傳人聞其最傳  
者賜秦良玉楊嗣昌五絕句也良玉者石砮軍印宣撫使其兄邦屏擲  
翰皆以援邊力戰死幼弟民屏被劍潰圍出歸不能視事諸部以良玉  
忠勇多大略遂襲官撫使敗秦崇明于佛圖關破安邦彥于平越功居  
第一野祀謂良玉有勇寡敵十人而變州李吉士長祥力辯其誣謂川  
撫嘗遣陸縣州遜之按行諸營良玉冠帶飾佩刀出見設饗酒數巡  
論兵事遜之誤曳其袖良玉引佩刀自斷之其嚴肅若是張獻忠傳號

明詩綜卷一上

十四

四川良玉號曉曰吾兄弟三人皆死王事吾以一婦人受國恩二十年  
不幸至此其敢以餘年事逆賊哉恐名所部約曰有從賊者殺無赦恩  
忠鑄金印齋之易其官不為動賊黨無敢入其境者亦勝於丈夫矣思  
陵葬日 皇朝未收江南北藩稱制遣上帝諡曰紹天經道剛明恪儉  
探文奮武敦仁懋孝烈皇帝廟號思宗上帝諡曰紹天經道剛明恪儉  
天靖聖烈皇后尊改帝廟號曰毅宗唐藩稱制復改尊曰 皇朝順治  
初更諡帝曰欽天守道敏毅敦儉弘文襲武體仁致孝懷宗端皇帝后  
曰孝敬貞烈慈惠莊敬承天配聖端皇后既而改稱莊烈敬宗帝凡五  
易而後定焉今神牌所書即順治初定一十六字第其下改書莊烈愍  
皇帝云當李自成陷京師思陵將殉社稷傳旨後宮令自裁而宮監王  
永壽從懿安皇后宮至白帝曰懿安皇后業自縊矣帝連稱好好乃走  
煤山經於海棠花下福藩遙上懿安后諡曰孝哀慈靖恭惠溫貞信天  
協聖慈皇后詔云既陳藩以捐軀亦從容以就義而順治實錄於甲申  
五月大書葬明崇禎帝后及天啓皇后張氏於昌平州陵國史存據可  
以無疑其後有魏忠賢養女任氏進之德陵立為貴妃亂後流轉民間  
聞許稱天啓皇后因送于官衣祿寺月有廢給人遂疑后失節沉寃莫  
雪故附白之又按明自太祖至愍皇帝累朝多有御製詩或傳或不  
傳敬錄十帝之詩於卷首若宗南巡過鎮江幸大學士楊一清第賜  
以十二詩命其和韻自題錦堂老人又於宣府製小詞有野  
花偏有色村酒醉人多之句傳誦人間惜乎未觀其全也

昭皇后

一首



后姓張氏永城人彭城伯麒女洪武二十八年  
冊爲燕世子妃永樂二年封皇太子妃二十二  
年仁宗即位冊立爲皇后正統七年崩合葬獻  
陵謚曰誠孝恭肅明德弘仁順天啓聖昭皇后  
送司寶黃維德歸南海

皇朝列聖御寰宇偉烈宏謨冠千古重惟仁化本家邦  
內庭百職需賢良咨爾維德女中士自少從容知禮義  
一從應召入皇宮夙夜孜孜勤乃事昔時黑髮今如霜  
歲月悠悠老將至九重聖主天地仁欲使萬物同陽春  
體茲德意賜歸去乃心感激情忻忻嶺海迢迢千萬里  
潞河官榷春風裏賜衣宮錦生光輝親戚相迎人總喜

明詩綜卷一上

十五

喜爾富貴歸故鄉我心念爾恒不忘彩筆題詩意難盡  
目極天南去鴈翔

明詩綜卷一上

明詩綜卷一下

小長蘆 朱彝尊 錄

錢唐 龔翔麟 緝評

周定王櫛 六首

王高皇帝第五子洪武三年封吳十一年改封

周洪熙年薨著元宮詞一卷

辭志居詩話元宮詞百首宛平劉欽祖序稱周恭王所撰因綴錢氏列朝詩集作周憲王亦非也其自序云元起沙漠其宮庭事蹟無足觀者然要知一代之事以紀其實亦可備史氏之采擇焉永樂元年欽賜子家一老嫗年七十矣迺元后之乳姆女常居宮中知元舊事間嘗訪之備陳其事故予詩百篇皆元宮中實事亦有史未曾載外人不得而知者遺之後人以廣多聞焉永書永樂四年春二月朔日蘭雪軒繫校序所云元宮詞當是定王作考定王以洪武十四年之國至洪熙元年薨序題永樂四年則為定王無疑矣

元宮詞 六首

明詩綜卷一下

一

大安樓閣聳雲霄列坐三宮御早朝政是太平無事日

九重深處奏簫韶

玉京涼早是初秋銀漢斜分大火流吹徹洞簫天似水

半鈞新月挂西樓

背番蓮掌舞天魔二八嬌娃賽月娥本是河西參佛曲

把來宮苑席前歌

月宮小殿賞中秋玉宇銀蟾素色浮官裏猶思舊風俗

鷓鴣長遂序梁州

江南名伎號穿鍼貢入天家抵萬金莫向人前唱南曲

內中都是北方音

興聖宮中侍太皇十三初到捧鑪香如今白髮成衰老

四十年如夢一場

蜀獻王椿一首

王高皇帝第十子洪武十一年封二十三年

之國成都永樂末薨有獻園集

錢謙益云王孝友慈祥博綜典籍容止都麗雅

尚儒素嘗奉命閱兵中御即闕西堂延攬名士李叔荆蘇伯衡等既封國即聘漢中教授方孝孺爲世子傳待以賓師之禮名其讀書之齋曰

正學方正學之稱自此始也

詩話明開國諸王文學首稱蜀府孝陵恒以蜀秀才呼之惜獻園集罕傳於世王孫定王友垓有集十卷曾孫惠王申鑒有惠園集惠王孫成

王讓樹有長春競辰集成王孫端王宣圻有端園集五葉皆有集著錄亦盛事也

送方希直先生還漢中

岷山峩峩江水泱泱我疆我理俾我以康靡言匪衣靡善匪得閱士孔多我敬希直待我經筵不倦以勤非德

明詩綜卷一下

二

不言非道不陳職思其歸義不可奪采采者芹何教如渴爰秣其馬爰振其衣拜手稽首戴辭而歸昔者之來春日遲遲維今之歸涼風淒淒悠悠我心念子良苦爰命詞臣飲餞江潯王道如砥旣歌且詠八月初吉抵于南鄭沔彼江漢亦合而流瞻彼岷峨鬱其相繆心之知矣臨別繾綣子如我思道豈云遠

湘獻王柏一首

王高皇帝第十二子洪武十一年封之國荊州

建文初或告王反王無以自明闔宮焚死謚曰

戾成祖更謚曰獻

朱睦㮮云王嗜學讀書開景玄閣以延士被服儒雅尤善道家言嘗自號紫虛子

太和山尋張三丰故居

張玄玄朝飲九渡之清流暮宿南巖之紫烟好山浩劫  
知幾度不與景物同推遷我來不見徒悽然孤廬高出  
古松頂第有老猿接臂相攀緣

遼簡王植 二首

王高皇帝第十五子洪武十四年封二十六年  
之國遼東廣寧州永樂二年遷荊州二十二年

蕞有遺集

詩話簡王遺集五卷曾孫惠王恩鑑所刊大率不經意之作所與酬和  
程通鍾洪範林源曹鐸吳鼎項允清朱恂胡俊王用才胡庭禮之徒咸  
無詩名宜其  
淮南自尊也

暮春

鞍馬辭京去維時已暮春殘花留舞蝶飛絮逐行人樹

明詩綜卷一下

三

暗啼黃鳥波激躍紫鱗白雲晴冉冉瞻望重思親

秋江

楊柳渡頭烟漠漠峨眉山下水潏潏月明沙渚晚風急

漁笛一聲江上秋

寧獻王權 三首

王高皇帝第十六子洪武二十四年封二十七  
年之國大寧永樂二年移南昌正統末蕞有采

芝吟

錢謙益云王博學好古讀書無所不窺秀通釋老尤長於史文  
皇踐祚改封南昌時靖難功頗馳恣晚年深自韜晦撰精廬一

區時花箋竹鼓琴著書其間志慕冲舉自號臚仙令人往廬山之巔雲  
雲以綺結小屋曰雲齋障以簾幙每日放雲一囊四壁氤氳鼻動如在  
巖洞注纂經子九流星曆醫卜黃治諸術皆具凡羣

書有秘本莫不刊布國中古今著述之富無逾王者

詩話獻王助長陵靖難以善謀稱及徙封豫章頗多醜望晚乃折節讀  
書開雕秘笈叢雲廬山之顛鼓琴織嶺之上其有淮南八公之思乎

宮詞 二首

忽聞天外玉簫聲  
花下聽來獨自行  
三十六宮秋一色  
不知何處月偏明

太液池中翻翠荷  
小娃學唱采蓮歌  
畫船不繫垂楊下  
盡日隨風漾碧波

庭梧秋薄夜生寒  
誰把箜篌別調彈  
睡覺滿身花影亂  
池塘風定月團圓

漢庶人高叟 一首

庶人文皇帝第二子  
永樂二年封漢王十五年  
之國樂安州宣德八年叛  
繫道遙城死國除有

擬古感興詩

錢謙益云漢王恃靖難功傾動東朝太宗築為所感其在藩邸製擬古感興詩二十八篇臣僚鑲版

明詩綜卷一下

四

擬古

行之盛稱其英資睿智雄才蓋世合二聖之規模成一代之製作蓋其奪嫡深謀願見於此而史稱其專事游嬉不肯學問或未可盡信也

自古寺人職司閹  
供灑掃秦漢始撓政  
國本亦枯槁唐初任  
猶輕高貴在天寶淪胥  
宣懿間神器猶顛倒  
門生詆天子尊重壓元  
老社稷遂已墟羣閹  
那自保嗟哉太宗業  
家奴壞王道後世宜  
鑒之慮患防須早

周憲王有燉 二首

王周定王長子高皇帝孫  
洪熙元年襲封景泰三年  
薨有誠齋錄新錄

錢謙益云憲王遭世隆平未藩多暇勤學好古集名蹟手自臨摹勸

石名東書堂集古法帖歷代重之所製誠齋樂府傳奇音律譜美流傳內府至今中原絃索多用之詩有誠齋錄新錄諸集風華和婉風濕手盛世之音

詩話憲園留心翰墨譜曲尤工中原絃索往往藉以爲師李景文夢陽詩云齊唱憲王新樂府金梁橋外月如霜牛左史恒詩云唱徹憲王新樂府不知明月下樊樓是也其詩不事嘔心頗能合格梅

### 竹枝歌

二首

花牡丹玉堂春一題動成百詠才思不窮誠宗藩之舊矣

五溪春雨杜鵑時桂嶺西風八月期一帶湘山南北路  
請郎聽唱竹枝詞

春風滿山花正開春衫女兒紅杏顛儂家盪槳過江去  
試問阿郎來不來

楚莊王孟煥

一首

王昭王楨之子高皇帝孫永樂二十二年襲封  
正統四年薨有勤有堂詩集

### 九峰寺

明詩繪卷一下

五

細路千盤迴高峰九疊奇松陰深入寺泉脈遠通池雲  
鎖禪棲室巖鑿御製碑來游乘暇日林下盡幽期

魯靖王肇輝

二首

王荒王檀之子高皇帝孫永樂元年襲封成化  
二年薨有憑虛臺

詩話魯藩別乘首載靖王詩但著集名詩有過壁社湖及游朝天宮登鍾山謁孝陵作知是王朝南京時所賦詩

### 江樓秋望

百尺危樓上憑高極杳冥水雲連楚白鳥喚入淮青潮  
起魚龍窟風生蒲蓼汀倚闌凝佇久目斷是滄溟

### 秋日江行

策馬行行出郭遙平沙水落未生潮楓林兩岸經霜老

紅葉無風落小橋

秦康王志潔一首

王隱王尚炳第三子愍王棟之孫高皇帝曾孫也宣德三年以富平王進封景泰六年薨有默菴集

送醫士凌漢章還苕

術傳廬扁字鍾王底事來遊便趣裝熟路也知車載穩清時何用劔生鉞雞鳴函谷三更月楓落吳江兩岸霜歸到苕溪尋舊侶画船詩酒水雲鄉

楚憲王季垵一首

王莊王之子高皇帝曾孫初封武陵王正統五

明詩綜卷一下

六

年襲封八年薨有毓秀軒集

詩話麗園夢筆符於文通述德同乎靈運九原可作寧熹河間

衡山

衡山高我我根盤幾百里危峰插層霄巨岳奠南紀空中紫蓋峰有若芙蓉蕊欲泛洞庭舟瀟湘正秋水

魯惠王泰堪一首

王靖王嫡子高皇帝曾孫成化三年襲封九年

薨有悔齋集

春晴

膏雨初收日載陽眼前景物富韶光碧池一夜水平岸紅杏數枝花出牆芳草不隨棠蔭換游絲欲共柳條長

海棠庭院偏明媚莫遣東風又作狂

魯莊王陽鑄

二首

王惠王嫡子高皇帝玄孫成化十二年襲封嘉

靖二年薨有尊德堂臺

詩話莊王朱即優游不忘恭敬情親棟宇於弘治癸亥聚兄弟於一堂

王始倡七言近體二首於是鉅野恭定王陽榮樂陵宣懿王陽鎰鄒平

恭懿王陽鏞東阿學靖王陽鏞鎮國將軍陽錫陽錫陽錫陽錫錫和之

工繪爲圖左長史郁珍右長史石磐紀善尚鑄紀其事陽錫爲作序焉

王有介山懷古作中一聯云古冢已無

雙鶴乎荒林猶爲一蛇憐亦佳句也

塞上逢故人

久歷風霜鬢欲華故人相憶各天涯幾年出塞常爲客  
今日逢君似到家薄酒暫宜酬雪月敝衣堪歎染風沙  
明朝又恐河梁別愁聽江城奏暮笳

明詩綜卷一下

七

秋日閒居

地僻柴門靜不開明牕虛室絕塵埃應無酷吏催租到  
忽有白衣送酒來坐聽風聲敲翠竹吟看日影上蒼苔  
乘閒歲月心無累客至須留泛酒杯

江樓秋望

江城秋暮葉初飛獨上高樓望夕暉忽見一行沙鷗起  
西風遙送片帆歸

唐成王彌鐸

一首

王莊王芝址庶長子定王極曾孫高皇帝玄孫  
也初封穎昌王弘治二年嗣爵嘉靖二年薨有  
甕天小棗



詩話成王唐宣精廬集國中俊秀子弟資給之俾肄業又開菟園一區建養正書院秦陵頌五經子史賚之途康陵游幸王作憂國詩八章以諷暇則聯句藏春之場開謀保和之堂又精於書法繪事皆入能品云

久雨

春雨同秋雨輕寒作峭寒鶯聲猶寒澀花片漸摧殘宿霧難開日層波正湧瀾韶華寧久戀轉眼惜春闌

唐恭王彌鉗 一首

王莊王第三子成王彌錡之弟定王極曾孫高皇帝玄孫初封交城王正德中薨謚恭靖後以子宇溫襲王改稱唐王定謚曰恭有謙光堂詩集

詩話恭王下筆不能自休一韻每至百篇未覺筆易

明詩綜卷一下

八

宮詞

長門芳草綠茸茸輦路年來草漸封怪殺海棠花上月夜深偏照繡幃重

瀋安王詮鈿 一首

王瀋莊王幼孿次子簡王模曾孫高皇帝玄孫也初封靈川王正德四年薨謚榮毅後以孫憲王胤移進封更謚安有凝齋橐

李騰鵬云王所作如太羹玄酒不求濃麗而至味有餘令人嗜之不厭絕句更有新意

春日有懷

小圃辛夷漸發芽禁城殘柳欲飛花最憐九十春光去未遂還家只夢家

秦簡王成詠 八首

王惠王公錫之子康王之孫高皇帝來孫弘治  
元年以鎮安王襲封十一年薨有賓竹小鳴棗

錢謙益云王醇雅有簡押博通羣書布衣蔬食延攬  
文儒談論不倦王府護儀子弟得入警宮自王始也

詩話王年十齡嫡母陳妃以唐詩教之日記一篇嗣位後日賦一篇三  
十年靡聞至於延致士大夫脫略勢分撤鷹房以報儒臣之館闕隙地  
以益書院之基善行匪一許伯誠過墓詩云河間明禮樂淮海好神仙  
則并留心服食之術矣旣薨紀善強嚴掇刻其詩嘉靖初王孫定王惟  
焯表上之

詔送史館

楊白花

楊白花隨風無定止飄然一去太無情飛度江南幾千  
里可憐落水化浮萍浮萍無復隨風起宮中美人連臂  
歌此情不斷如春水

明詩綜卷一下

九

折楊柳

靈州城下柳多被官軍竊猶餘拂地條更苦行人折今  
君赴玉關將何贈離別

西城路

西城路半是平田半墳墓平田漸少墳漸多酸風苦雨  
泣銅駝人生少年胡不樂世間那有蘇耽鶴

感寓 三首

為善為君子君子喻于義為惡為小人小人喻于利所  
喻既不同善惡豈相類義利自兩塗理欲所由異譬之  
食飲然而各有所嗜惡臭與馨香伊人自知味吁嗟義  
利門慎毋迷厥志

仲尼初相魯魯人興謗辭子產聽鄭政鄭人亦毀之人  
心苦不同衆口生瑕疵賢聖且不免吾人莫嗟咨

相君椒百斛領軍鞵一屋為利日孽孽於心苦無足貪  
夫出見客佩鑰聲相觸算緡極錙銚口損饘粥恨不  
馬重駒恨不牛兩犢家盈萬鎰金身兼九州牧憫彼心  
太勞一笑捧吾腹

武功道中

五原三時隔西東此地人言是武功楊柳池塘科斗水  
杏花村店酒旗風農耕綠野春臺裏客在青山罨畫中  
日暮官程催去馬樹頭微雨正濛濛

春游曲

明詩綜卷一下

十

新柳迎游騎飛花趁酒甌年年三二月爛醉曲江頭

肅靖王真淤

二首

王恭王貢餘之子高皇帝來孫莊王模玄孫成

化中封世子嘉靖五年薨以子定王弼枕襲王

追謚有星海集

錢謙益云王博雅好文詩調  
高古邊塞事尤感慨有意

詩話宗正博埤稱靖王塞上曲旨趣沉雄王龍  
標不能過未免譽失其實要其風格駁騷唐人

塞上

黃雲白草出關多颯颯風吹積石河少婦愁添閨裏思  
征人淚落隴頭歌

步虛詞

瑤壇深處磬聲微羽客朝元午夜歸劒佩幾回翔碧落

天風吹冷六銖衣

瀋憲王胤移 二首

王惠王勛潛之子安王孫簡王來孫高皇帝弟  
孫也自號南山道人嘉靖五年封靈川王九年

懷王胤楨絕奉勅管理府事十年進封二十年

薨有保和齋棗

謝榛云王素嗜談禪詩亦有妙悟李騰鵬云王詩沉着痛快時出新語多得性情之正

上詩云展轉殊無寐涼秋感二毛城鴉催曉色庭樹起寒遼往事意何

拙浮生心自勞河間今已矣寧不愧吾曹蓋以自勉云

送汪內史南歸

滄江遠渚暮烟收南望千山樹色秋明日別君潭水畔

相思還上驛西樓

秋鴈

明詩綜卷一下

十一

北來征鴈下寒塘水食沙眠足稻梁不寄行人一封  
却因何事到衡陽

趙康王厚煜 五首

王文皇帝第三子趙簡王高燧之來孫正德十

六年襲封嘉靖三十九年薨有居敬堂集 穆文熙云康王

詩雄渾迥出時作錢謙益云王性和厚嗜學博古文藻弘麗折節愛賓客戶屢恒滿文酒讌游有淮南梁苑之風

詩話崑山鄭若庸曳裾王門康王從若庸所見臨清謝榛竹枝詞命所

幸琵琶妓賈和度而歌之既而榛過鄭借若庸見王王宴之便殿酒行

樂作王曰止命趙伎擁姬出拜榛謝曰此山人鄙俚之詞請更製竹枝

以備房中之樂王曰幸甚榛力不勝酒醉卧山亭下王命姬以杜代薦承之以眩明日上新竹枝十四闌姬按而譜之元夕便殿奏伎酒闌送客即盛禮而歸賈平榛即王嘗與榛聯句百卉亭鄭謝之外若願聖少仲森龍尤莊輩皆王客也平臺小山無此盛事

擬秋夜長

漫漫秋夜長，唧唧寒蟿吟。白露下青草，悠悠傷我心。傷心耿不寐，孤坐鳴素琴。絃中斷絕轉，軫悲餘音推。琴步微月仰，見雙飛禽緬。懷牧犢子，潛潛淚沾襟。羊神宛如在，悵望空梁陰。

戎寇

聞說西羌種，今秋復寇邊。三軍憂戰伐，百里絕人煙。衰草依孤壘，寒雲起暮天。九重宵旰切，何日下祁連。

七夕後作

銀河昨夜渡牽牛，玉露涼侵院院秋。一葉芭蕉數聲雨，人間何事不堪愁。

宮詞

明詩綜卷一下

十一

薄鬢斜鬟十五餘，妝成猶未下庭除。納涼記得君王作，私把泥金小扇書。

聞砧

瑤琴停響綠尊空，何處寒砧擣月中。最是今宵最愁絕，碧梧陰下粉牆東。

益莊王厚燧

四首

王端王祐楨之子，憲宗之孫，藩封建昌府嘉靖

二十年襲封三十五年薨，有勿齋集詠史詩

詩話莊王留心理學，序莫氏學業，須知張氏理學類編陳氏道學傳趙氏學說以行，又博覽經史，撰勿齋臆說，正譎糾謬，不異儒生鬱儀王孫潘獻志稱其聲色珠紛，一無所好，蓋天下之賢王也。集五卷弟榮仁王厚炫嗣封編輯以行分校者左長史張默右長史李敬

春鴈

北上三湘路南辭七澤雲已甘同出塞不忍更離羣永  
夜空中唳幽人枕上聞汀洲爭宿處味旦起紛紛

早秋

庭樹初飛葉天高爽氣澄檻花藏晚蝶簾竹聚秋蠅紅  
熟枝頭棗青浮水面菱金風蘋末起頓喜失炎蒸

秋熱

節已過寒露秋陽尚逼人蒲葵仍在手荃葛未離身籬  
落黃花綻階除綠草勻憂時占月令休咎竟何因

新晴

連旬淫雨降今喜見朝暎徑路泥猶滑池塘水尚渾輪

明詩綜卷一下

七

蹄喧野市網罟曬漁村風掃殘雲斂青山復對門

蜀成王讓栩

五首

王昭王賓瀚之子高皇帝昴孫正德五年襲封

嘉靖二十六年薨有長春競辰集

楊慎云成王懷古  
雜擬式遵溫承敦

厚之旨 錢謙益云成王好學觀

經史臨法書作詩屬對皆有程要

詩話長春競辰集成都楊慎序之而升菴集不載宮詞一百雖題曰擬  
古然如翠華一去寂無蹤疑諷康陵而作只恐君王道院行疑諷永陵

也

玉階怨

落日下西苑深宮風雨多定嫌蒼蘚滑玉輦不曾過

早秋

郊原正早秋露下蘆汀濕忽見一禽來只傷疎枝立

擬古宮詞 三首

青春一去豈重來轉轂韶光日夜催三百六旬空悵望  
朱門經歲不曾開

紫禁鴉啼曙色明麗譙隱隱不聞聲各宮裝束焚香候  
只恐君王道院行

新觀玉曆識正初泰運三陽藹帝居御座今安圓閣子  
內中欲置女尚書

瀋宣王恬爔 二首

王憲王次子高皇帝仍孫自號西屏道人嘉靖

三十一年襲封萬曆初薨有綠筠軒橐 穆文熙云宣王音調

超拔婢有陳思之風 李騰鵬云王所作和平爾雅諸體各擅其長 錢謙益云宣王博學工詩才藻秀逸

明詩綜卷一下

十四

詩話宣王逸思清才金枝之秀

秋興

池閣蕭條竹徑通閒來幽興檢詩筒未須絃管翻新曲  
自有琴尊對晚風斜日斷雲簾影外疎林落葉杵聲中  
悲秋莫話當年事且向遙天數塞鴻

山行

爲訪林棲叟何妨石逕長白雲生谷口處處藥苗香

瀋定王程堯 二首

王宣王之子高皇帝孫嘉靖三十七年封世

子萬曆十二年襲封天啓元年薨有修業堂崇

玉山房二橐 穆文熙云王詩音韻俊揚若叩洪鐘鈴響不絕李騰鵬云王諸作音節鏗鏘詞氣閒適有草柳風

非富貴人

所能道

詩話定王師呂時臣猶沈易之師謝  
榛也所師高下不同體製亦少遜

### 擬古宮詞

聞道收遼左中宮上壽危  
隨班春殿裏消息未全知  
金縷麒麟服傳宣賜太師

李騰鵬云  
足稱大雅

### 秋宮怨

月落湘簾錦瑟傳西風  
高下度流螢不知今夜長  
生殿誰看牽牛織女星

鄭世子戴埴

二十五首

昭皇帝第二子鄭靖王瞻  
坡歷四世為恭王厚  
烜嘉靖二十七年建言時  
政降為庶人發高牆

明詩綜卷一下

十五

禁銅隆慶元年赦回復爵王恭王子著樂書

### 補亡詩

南陵有風吹彼苞棘厥景  
婆娑欲靜弗得孝子事親當  
竭其力父母之恩昊天罔極

南陵有風吹彼桑梓慕我  
父母終身敬止勗哉伯仲以  
及娣姒恪爾晨昏絜爾甘旨

景薄桑榆日亦云暮父母  
俱存兄弟無故雖有至樂寧  
不深慮一則以喜一則以懼

### 右南陵三首

嗟彼白華瑩然如玉君子  
立身必慎其獨無貽親辱  
嗟彼白華瑩然如琇君子  
立身必謹所守無貽親咎



嗟彼白華瑩然如霜君子立身如圭如璋爲親之光  
嗟彼白華瑩然如雪君子立身清絜絜庶無玷缺  
嗟彼白華瑩然如冰君子立身戰戰兢兢庶無怨憎

右白華五首

彼華者黍彼實者稷相彼秋成時萬時億  
彼華者黍彼實者麥時和歲豐困盈倉積  
彼華者黍彼實者菽農夫之慶邦家之福  
彼華者黍彼實者麻君子愛民不驕不奢  
彼華者黍彼實者禾君子愛物不溢不過

右華黍五首

天運元亨萬物由庾王道正直蕩蕩平平

明詩經卷一

十六

寒暑以序雨暘以時百穀用成庶績咸熙  
草木蕃庶鳥獸咸若仰觀鳶飛俯窺魚躍  
習習景風甘雨其濛醴泉洩洩玉燭融融

右由庚四首

瞻彼崇丘積土成高相彼大海積水成濤  
卷石積多其形嵯峨勺水積久勢若江河  
寶藏貨財靡所不足積善之家必有餘福  
鳥獸魚龍咸遂其性積善之家必有餘慶

右崇丘四首

肅肅令儀君子由之秩秩彞倫君子求之率性之道君  
子修之

何謂彝倫父子有親君臣有義朋友有信兄愛弟敬夫和妻順

君令臣恭父慈子孝夫妻相敬兄弟相好惠于朋友無德不報

維物有則維民秉彝好斯美德由此令儀上和下睦暉  
暉熙熙

右由儀四首

詩話世子研精樂典按律審音察及鍊黍歷辨劉歆何安李昭范鎮陳  
鳴蔡元定之失近代若李文利李文察劉濂張詒皆駁其非所著樂書  
曆論宜采入國史述其補亡詩六篇樂括古訓比之夏侯湛東晉似為  
過之至於念嚴君之囚席臺門外國長幼之序讓國盟津尤非人所幾  
及

光澤榮端王寵濼一首

明詩綜卷一下

七

王遼惠王成鍊次子高皇帝來孫成化二十三年封嘉靖二十五年薨有博文堂何喬遠云王積書萬卷世宗賜

堂名曰博文

登仲宣樓懷古

憶昔登樓日天涯事轉違計依劉表得書授蔡邕稀南國方羈旅西京未解圍秦川空在眼公子乃忘歸

衡陽安懿王寵淹一首

王悼僖王恩鏹子高皇帝來孫弘治六年襲封

嘉靖十八年薨

登仲宣樓懷古

尋芳踐嘉約乘暇一登樓野樹連雲合清江繞郭流遺

文鄴下重舊井峴山留洵美開襟地無妨續勝遊

永壽恭和王秉檣

一首

王莊僖王誠淋子高皇帝弟孫弘治十年襲封

嘉靖十七年薨

正德己卯九日登說經臺

隱隱樓臺雲外重一溪活水過仙宮上師已化青牛老

萬木驚秋墜晚風

顧炎武曰是詩刻石草樓

武岡保康王顯槐

二首

王楚端王榮滅第三子昭王來孫高皇帝弟孫

也嘉靖十七年封有少鶴山人正續集

詩話王詩平

正無溢幅

明詩綜卷二下

六

走狗烹

走狗烹走狗烹蒯生識鑿通神明漢基甫創身即死當  
日假王何為爾相面止封侯相背貴無極淮陰聞言兩  
耳逆婦人擅執生殺權猶豫自將身弃捐噫噫英彭尤  
可憐

次鄒郵部穎泉謝宴

小園一雨足次第百花開江白孤舟去天青一鳥來林  
香時撲坐柳色競侵杯借問西鄰客懷人日幾回

德平榮順王胤璇

一首

王藩惠王勛潛之次子高皇帝弟孫嘉靖三十

七年封有集書樓橐

李騰鵬云王所作沉着嚴整不尚綺靡自饒深致

送焦明府之鳳翔

馬首蠶叢路茲行亦壯游天青三峽曉雲碧萬山秋鷺浴盤渦水猿啼古驛樓君才非百里早晚夢刀州

鎮康王恬焯一首

王審憲王胤柸第五子高皇帝仍孫嘉靖二十

四年封有西巖漫橐

穆文熙云王詩調高意永自是盛唐風味謝榛云西巖題瞻遠樓詩江樓懸

樹杪山色到牕中精拔有骨

同呂二人話別

此會情何極明朝遽別筵霜清楓葉路秋老菊花天百越家鄰海三垂地近邊相思應有賦月定幾回圓

保定惠順王瑄坦一首

明詩綜卷一下

九

王審宣王次子高皇帝孫嘉靖三十八年封

有清苑山房集

穆文熙云王詩格調高古思致雋永當於貞元中求之李騰鵬云王善書法其詩音格響亮

春日游柏谷寺

曉霧危巖合烟蘿仄徑懸浮圖開佛日沙界接人天獨鶴衝雲起愁猿枕石眠逃禪如可醉莫負杖頭錢

沁水昭定王恬焯一首

審簡王第八子悼懷王佶焜封沁水王簡王來

孫高皇帝昴孫也嘉靖二十五年襲封四十年

薨有遜學書院集

春日閒述

睡起情逾懶烟蘿地自迷開尊惜遲暮片月挂松西

沁水王理塔一首

王昭定王子高皇帝仍孫隆慶元年襲封有滄

海披沙集

穆文熙云王詩丰神俊逸思致雅澹大曆前之調也李騰鵬云王所作尚雅典典麗蓋荆金楚玉也

彰法寺

嶽勢何穹窿躋攀竟日至絕澗來巖椒沿洄轉幽邃其  
陽開招提不知幾千歲宮殿羅虛空俯視下無地樵子  
雲際行石磬風前墜境疑兜率天巖紀司空宇日晏憺  
忘歸暫遠塵煩累

安慶王恬懽

王藩憲王第七子高皇帝仍孫自號西池道人

嘉靖三十一年封有嘉慶集

何喬遠云王於穆宗朝以孝敬旌李騰鵬云王詩

明詩綜卷一下

二十

和平爾雅已入作者之門

夏夜寄懷謝山人時客汾陽

良夜孤清賞懷君倍黯然離居三歲似明月幾回圓紫  
塞雲邊樹青山雨後天相思寫不盡寂寞有冰絃

聞砧

何處砧聲急空閨入夜聞哀音流素月寒響徹秋雲夢  
斷盧龍遠天高白鴈分誰能將妾意萬里報夫君

慶成王慎鍾一首

晉恭王桐第四子濟炫封慶成王謚莊惠王安

穆王知嫌之孫恭王之仍孫高皇帝之雲孫也

隆慶六年襲封有太霞棗

穆文熙云王以賢孝稱其器質敦厚醇雅詩亦有體裁不失風

夏日登萬佛樓次朱使君韻

天半崑崙峻閣開  
自公多暇興悠哉  
憑虛幾見空王在  
結夏誰招使者來  
貝葉迎風翻鹿苑  
香雲散雨落蜂臺  
倚闌欲和陽春曲  
慚媿登高作賦才

明詩綜卷一下

明詩綜卷二

小長蘆 朱彝尊 錄

武陵 胡期恒 緝評

劉基 一百四首

基字伯溫青田人元進士洪武初官至御史中

丞論佐命功封誠意伯為胡惟庸毒死正德中

追謚文成有覆瓿集犁眉公集

楊維新云子房不見詞章玄讎僅辨符檄公勳

業造邦文章名世可謂千古人豪徐子元云青田鈞天廣樂聲容不

凡開國文工不在茲乎陳彝仲云洪武間高侍郎先鳴文成次之固

已才情之美無過李迪聲容之壯次及伯溫當是時孟戴景文子萬章

實為之羽翼而談者尚以元習混之謂辭美於宋所之老蒼格不度唐

僅窺季晚然是二三君子工力深重風調諧美不得中行猶稱始庶翮

翩一時之選也穆敬甫云劉公詩如垂風戴響音徹遠播胡元瑞

明詩綜卷二

一

云青田才情不若楊孟戴氣骨稍減汪忠勤以較張徐諸子不妨上座

何穉孝云伯溫詩元習其精者學韓退之云公自編其詩文曰覆瓿集者元習作也

曰犁者公集者國初作也公負命世之才丁元之季沉淪下僚籌策詭

驅策時憤世幾欲草野自斫然其在幕府與石林艱危共事遇知已劾

明祖佐命惟陳列罪五等尉為宗臣斯可謂得志大行矣刀其為詩悲

窮歎老咨嗟幽憂昔年飛揚碑祝之氣斯然無有存者豈古之大人志

士義心苦調有非旂常竹帛可以測量其淺深者乎嗚呼其可感也又

云合觀覆瓿犁者二集竊窺其所為歌詩悲惋家風其後異哉及其深深

託寄有非國家家狀所能表其微者每盡然傷之近讀永新劉定之采

齋全善菴載定江湖間志弗遂遂歸隱麟原終其身弗仕于讀其詩文

深惜永歎嗟乎予讀其奇氣硤硤膈膈猶若佐全善菴時以未稔將周

將擊碧海戈蒼昊後攀附龍鳳捫古驛頰臬昔氣漸成幕府唱和其氣亦

論其所以責備文成者亦已苛矣雖然佐命論聲項之殊勳

永新留連幕府惜為韓之雅志其事固不容相掩其義亦各有攸當也

誦犁者之志而推見其心事安知不以永新為後世之子雲乎陳詩

子云文成雅辭微傷婉弱令人思留後之貌王介人云文成詩

體純正較之四傑雖縱少遜而似覺寡疵陸水脩云伯溫早見知

於虞道園道園稱其詩云發感愷於情性之正存憂患於敦厚之言是

不可及若其體製音韻無媿感唐其推獎至矣特不與楊廉夫顧仲球輩結詩酒之社然視四傑十友皆後進也 沈山子云誠意樂府古詩勝近體覆韻集勝翠者公集團當與李迪爭長益驅王元美以劉次於高胡元瑞以劉為高之羽翼要非篤論至何仲默以秦景文為明初詩人之冠則置二公於何地乎 鍾廣漢云文成論詩謂今天下為詩者取則於達官貴人而不師古此語深中元人之病試讀公集中詩皆有古人之一體可謂

善於師古也

靜志居詩話樂府辭自唐以前詩人多擬之至宋而掃除殆盡元季楊廉夫李季和輩交相唱答然多構新題為古體惟劉誠意銳意摹古所作特多遂開明三百年風氣其五言古詩專仿韋左司要其神韻與相伯仲諸體均純正無疵若二鬼一篇直欲破劉又之膽矣公在元時有和王文明絕句云夜涼月白西湖水坐看三台上將星好事者遂傳會之謂公望西湖雲氣語坐客云後十年有帝者起吾當輔之此妄也當公罷官紹興時感憤至欲自殺藉門人密里沙抱持得不死明初既定婺州猶佐石林宜孫拒守即其酬和詩句如中夜發高樓隱隱太楚聲眾星各各差威威何時正鳴鳳西北來安能從之飛同發不恤鋒楚放常懷悶却秦莫魯連存濟想田單蓋未嘗終食忘大都也是豈預自負身為佚命者耶其題太公釣渭圖云偶應飛熊北尊為帝者師則公自道也世人多以前知目公至凡緯識堪輿若披肝露膽等書皆指為公作豈其然乎

明詩綜卷二

二

思美人

雨欲來風蕭蕭披桂枝拂苔絲英隕鮮葉飄揚煙埃  
靡招搖激房帷發綺綃中髮膚惜寂寥思美人隔青霄  
水渺茫山岵嶺雲中鳥何儵儵欲寄書天路遙東逝川  
不可要芳蘭華日夜彫掩瑶琴閒玉簫魂眾眾心搖搖  
望明月歌且謠聊逍遙永今宵

顧玄言云  
出入騷雅

寒夜謠

今夕何夕歲聿其徂草木彫落山川縈紆瞻彼鴻鴈拂  
翼天衢雖離和鳴載悠載徐雖無羽翰心與之俱華月  
出雲青燈在隅歌以寫懷云何其吁

秋懷



嚶嚶草蟲慄慄其股歲暮如何爾獨良苦瞻望日月懸  
懸我愁如彼逝矢一往不留嗟爾小子時不再得匪緡  
曷魚不藝胡稷蕭蕭草蟲烈烈其音歲暮何為祗攪我  
心

思歸引

山高高兮可以望四方胡躋爾巔子不見我故鄉歲云  
暮子無衣裳車罷馬羸子僕夫頓僵水有蛟鱷子陸有  
虎狼吁嗟奈何子惟懷永傷

牆上難為趨行

弱水不可以航石林不可以車人生貴守分牆上難為  
趨茫茫八極內狹徑交通衢紛紛皆轍迹擾擾論錙銖  
焦原詫齊踵龍領夸探珠片言取卿相杯酒興剪屠機  
事一朝露妻子化為魚林間有一士蓬蒿賢窮廬種稻  
十數畝種桑八九株有酒且飲之無事即安居孰知五  
鼎食聊保百年軀悠悠身後事汲汲復何如

○ 夜夜曲

冬夜恒苦長夏夜恒苦短短長相蔽虧殷勤望推輓  
綉茅作繩繩易斷汲水作池池易旱故鏡塵昏難遠照故  
衣絮敝無新暖西風嫋嫋吹桂枝白露點苔黃葉滿

○ 東飛伯勞歌

南飛鷓鴣北飛鵲黃昏雞鳴白日燭珊瑚石上栽兔絲  
鴛鴦獨宿枯桑枝永夜涼蟾入羅幕蟬翼不如秋鬢薄

寒塘露蓮千葉紅可憐零落空隨風

○走馬引

天冥冥雲濛濛當天白日中貫虹壯士拔劍出門去手  
提仇頭擲草中擲草中血漉漉追兵夜至深谷伏精誠  
感天天心哀太一乃遣天馬從天來揮霍雷電揚風埃  
壯士呼天馬馳橫行白晝吏不敢窺戴天之恥自古有  
必報天地亦與相扶持夫差徒能不忘而報越棲於會  
稽又縱之始知壯士獨無媿魯莊何以爲人爲

錢受之云  
于晃忽又庚申帝即位七年乃以尚書之言撤文宗主于太廟而詔  
書但以私圖傳子爲言昧于春秋復讎之大義矣公此詩蓋深識之

明宗被弒

長安道

長安道送盡芳菲到枯槁人生衰盛苦不嘗何異長安

明詩綜卷二

四

道旁草漢家將軍初拜官門前上客車班班一朝勢衰  
煙燄歇車輪無聲馬蹄絕明年有詔封冠軍依舊車馬  
來如雲

鳴鴈行

嘒嘒鳴鴈鳴達旦舉翼相連拂雲漢平原漠漠生野煙  
鴈飛只向江南天江南十月多禾黍一半輸官半供汝  
明年二月歸養雛雛成又望江南去

○隔谷歌

戰鼓咽悲風弓折不可把弟兄隔谷不相聞咫尺人間  
與泉下丈夫誓許國殺身非所憐兩心本一氣何能坐  
相捐登埤四顧望慷慨肝膽裂不見救兵來但見繞城

鐵甲光如雪飛禽在羅網尚或念其饑身為高官馬食粟忍見手足居重圍相彼鴻與鴈亦各顧匹儔挽弓射一獲羣後拔箭聲啾啾鳥獸且有情人心獨何尤嗚呼田家紫荊雖微木不忍聽君歌隔谷

冬暖行

孟冬十月暖桃李花盛開蝴蝶草間出飛上花枝來蝶知愛花為花出不知冬暖無多日霜風一夕花作塵墜粉飄黃愁殺人

○築城詞

君不見杭州無城賊直入台州有城賊不入重門擊柝自古來而况四郊多警急愚民莫可與慮始見說築城俱不喜一朝城成不可踰挈家却向城中居寄語築城人城高固自好更須足食仍足兵不然劔閣潼關且難保獨不念至元延祐年天下無城亦無盜

○畦桑詞

編竹為籬更栽刺高門大寫畦桑字縣官要備六事忙村村巷巷催畦桑桑畦有增不可減準備上司來計點新官下馬舊官行牌上却改新官名君不見古人樹桑在牆下五十衣帛無凍者今日路旁桑滿畦茅屋苦寒中夜啼

○瑯琊王歌

駿馬須好鞍強弓須勁箭將軍不知兵健兒空自健

○薤露歌

人生無百歲百歲復如何古來英雄士各已歸山阿

鍾廣

漢云昔讀悲涼初讀之嗚咽再讀之慷慨

○懊懷歌

白鴉養雛時夜夜啼達曙如何羽翼成各自東西去

宗子

相云古韻凄調

○玉階怨

長門燈下淚滴作玉階苔年年倚春雨一上苑牆來

○長門怨

白露下玉除風清月如練坐看池上螢飛入昭陽殿

宗子

相云不作怨語怨已自深

明詩綜卷二

六

感懷

四首

驅車出門去四顧不見人回風卷落葉颿颿帶沙塵平原曠千里莽莽盡荆榛繁華能幾何憔悴及茲辰所以芳桂枝不爭桃李春雲林耿幽獨霜雪空相親

啾啾草間雀日隨黃口飛爭先赴稻梁寧顧野人機便善柔子懷利近相依但慕春萋好不見秋霜霏驅車逐走鹿中路忘所歸豈不愛其躬天命與心違古道今已矣感寤空涕歔

結髮事遠游逍遙觀四方天地一何闊山川杳茫茫衆鳥各自飛喬木空蒼涼登高見萬里懷古使心傷竚立望浮雲安得凌風翔

槁葉寒撼撼羅帳秋風生悽悽候蟲鳴嘒嘒賓鴻驚美人抱瑤瑟仰視河漢明絲桐豈殊音古調非今聲沉思空幽寂歲月已徂征

感時述事

八首

十羊煩九牧自古貽笑嗤任賢苟不貳焉用多人為師行仰供給州縣方告疲差徭逮所歷添官有權宜奈何乘此勢爭先植其私百私竝效尤貨賄縱橫飛列坐隘公堂號令紛披離名稱到輿隸混雜無尊卑正官反差出道路不停馳狗祿積日月官吏之所希此輩欲何求腹剝圖身肥世皇一字宙四海均惠慈盜賊乘間發咎實由官司云何未悔禍救焚用膏脂姻婭遂連茹公介棄草茨農郊日增壘良民死無期天關深虎豹欲語當

明詩綜卷二

七

因誰

先王制民產曷分兵與農三時事耕稼閱武在嚴冬亂略齊憤疾戰伐厥有庸那令異編籍自使殊心胸坐食不知恩怙勢含威兇將官用世襲生長值時雍豈惟昧韜略且不習擊剽悍卒等驕子有令亦無從跳踉恣豪橫鼓氣陵愚蠢所以喪紀律安能當賊鋒崩騰去部曲蟻合尋歸蹤時方務姑息枉法稱寬容寧知養豺虎反噬中自鍾國家立制度恃此為垣墉積弊有根源終成腸肺癰何由復古道一視均堯封

豢狗不噬禦星馳募民兵民兵盡烏合何以壯干城百

姓雖云庶教養素無行譬彼原上草自死還自生安知  
狗大義捐命爲父兄利財來應召早懷逃竄情出門即  
剽掠所過沸如羹總戎無節制顛倒迷章程威權付便  
嬖賞罰昧公平饑寒莫與恤銳挫怨乃萌見賊不須多  
奔潰土瓦傾旌旗委曲野鳥雀噪空營將軍與左右相  
顧但目瞠此事已習慣智巧莫能爭廟堂忽遠算胸次  
猜疑并豈乏計策士用之非至誠德威兩不立何以御  
羣氓慷慨思古人惻愴淚霑纒

五谿舊三苗蛇虺相雜處其人近禽獸巢穴依險阻起  
居任情欲鬪狼競爪距未能識君臣且不顧子父所以  
稱爲凶分北勞舜禹先朝慎羈縻固俾來中土胡爲倏

明詩綜卷二

八

而至馳驟如風雨見賊但趨趨逢民輒俘虜腰纏皆金  
銀衣被俱繡組所過惡少年改服投其伍農家劫掠盡  
何人種禾黍盜賊有根源厥咎由官府任將匪能賢敗  
衄乃自取奇材何代無推誠即心膂誰哉倡此計延寇  
入堂宇割鼻救眼睛於身竟奚補浙西耕桑地百載安  
生聚自從甲兵興徵斂空袖杼疲氓真可憐忍令飼豺  
虎追憶至元年憂來傷肺腑

虞刑論小過夏誓殄渠魁好生雖大德縱惡非聖裁官  
吏逞貪婪樹怨結禍胎法當究其源剪鋸去根芟蒙籠  
曲全宥駕患於後來濫觴不堙塞滔天谷陵頽總戎用  
高官沐猴戴母頭玉帳飲酒肉士卒食菜藿未戰已離

心望風遂崩摧招安乃倡議和者聲如雷天高豹關遠  
日月照不該俱曰賊有神討之則蒙災大臣怨及已相  
視若銜枚阿諛就姑息華紱被死灰姦宄爭效尤無風  
自揚埃嘯聚逞強力謂是爵祿媒黎民亦何辜骨肉散  
草萊傾家事守禦反以結嫌猜慟哭浮雲黑悲風為俳  
徊赤子毋不憐不如絕其脰養裊逐鳳皇此事天所哀  
胡為尚靡定顛倒胜與頽春秋戒肆眚念此良悠哉

八政首食貨錢幣通有無國朝幣用楮流行比金珠至  
今垂百年轉布彌寰區此物豈足貴實由威令敷廟堂  
喜新政躁議違老夫悠悠祖宗訓變之在朝晡瞿然駭  
羣目疑怪仍揶揄至寶惟難得韞櫝斯藏諸假令多若

明詩綜卷二

九

土賤棄復誰沽錢幣相比較好醜天然殊僻彼締與綌  
長短價相如互市從所取孰肯要其糶此理實易解無  
用論智愚矧絃四海內五載橫戈爰赤子投枳棘不知  
所歸塗一口當萬喙脣縮舌亦瘡導水必尋源源達流  
乃疏藝木必培根固葉不枯慎勿庸邇言揚火自焚  
軀尚克詰戎兵丕顯厥祖謨

惟民食爲命王政之所先海鮮實天產厥利何可專貪  
臣務聚財張羅密於羶厲禁及魚鰕鹵水不得煎出門  
即陷阱舉足遭纏牽魚鮒用鞭箠寬痛聲相連高牙開  
怨府積貨重姦權分攤算戶口滲漉盡微涓官征勢既  
迫私販理則然遂令無賴兒睚眦操戈鋌出沒山谷裏

陸梁江海邊橫行荷篋籠方駕列船舫拒捕斥後懦爭  
彊夸直前盜賊由此起狼籍成蔓延先王務廣德如川  
出深淵外本而內末民俗隨之遷自從甲兵興奄忽五  
六年借籌計得喪耗費倍萬千回憶至元初禁網疎且  
平家家有衣食畏刑思保全後來法轉細百體皆拘攣  
厚利入私家官府任其愆大哉乃祖訓典章尚流傳有  
舉斯可復庶用康迪壇

秦皇縣九宇三代法乃變漢祖都咸陽一統制荒甸豪  
雄旣鏗削瘡痍獲休宴文皇繼鴻業垂拱未央殿累歲  
減田租頻年賜縑絹太倉積陳紅園府朽貫線是時江  
南粟未盡輸赤縣方今貢賦區兩際日月竈胡為倚東

明詩綜卷二

十

吳轉餉給豐饒徑危冒不測勢與蛟龍戰遂令鯨與鯢  
掉尾乘利便扼腕要國寵金紫被下賤忠良怒切齒姦  
宄競攀援包羞屈政典尾大不可轉聖人別九州田賦  
揚為殿中原一何撫所務非所先幽風重稼穡王業丘  
山奠夫征厲未習孰敢事游燕哀哉固稽古生齒徒蕃  
羨一羹而食十何以奉征繕長歌寄愁思涕淚如流霰

程孟陽云感時諸詩可謂  
詩史追配杜老邁元白矣

旅興 十四首

秋氣蕭萬物百蟲競號鳴螻蛄最可憐切切悲其生履  
履步庭除素月員且明翫之不可掇渺焉忽西傾回身  
掩房闔愴悅煩慮盈太息以終宵展轉難為情



窮巷屏人跡開門見青山青山似故鄉客子何當還  
蟪蛄日夜鳴綠樹亦已殷白日駛西征浮雲不可攀安得  
生羽翼奮飛出玄間

雨來羣山暗雨過羣山明山明後鳥喜山暗後鳥驚歲  
暮陰風起白日西南傾寒蟬枝上號阜螽草間鳴人生  
非草木能無感中情

別離多苦懷三年當百載來者非所知往者今安在浮  
雲旦夕起白日蕪光彩天地亦有形豈能長不改

忡忡坐虛室曖曖日向暮空煙斂曾岑暝色半高樹緬  
邈起遐思逍遙散輕步嬋娟天上月的樂草間露物情  
豈異昔人事殊非故芳歲不可淹衰年况多慮諒無彭

鏗術頽齡那能駐

人生如浮雲聚散無定期驚風一飄蕩各自東西之聚  
聚陵苔花淒淒寒露時浮雲不可駐顧盼空齋咨

青青瀟湘竹漪漪被寒水遊子如飛蓬佳人曠千里登  
高左右望但見黃塵起鳳皇翔不下梧桐化為枳傷懷  
不可道憂念何時已

吾觀穹壤間萬變皆有窮何如順天道原始以知終清  
晨攬衣起絺綌生秋風雖雖鳴鴈來灼灼酸棗紅悵焉  
念所思悲感集子哀佳期在何許瑶草成枯蓬佇立望  
日月勞心極懺懺

烏鳴朝啞啞鵲鳴暮啞啞聞鵲既不喜聞烏復何憂世

人務苟得君子絕外求滄浪迅風波無風即安流胡爲  
自冰炭以貽達者羞

寒燈耿幽幕蟲鳴清夜闌起行望青天明月在雲端美  
人隔千里山河杳漫漫玄雲翳崇岡白露凋芳蘭願以  
綠綺琴寫作行路難憂來無和聲絃絕空長歎

泊舟嚴子瀨遙望仙華山中有騎羊人皓齒頰玉顏餐  
霞飲沆瀣坐石濯潺湲長嘯起天風落日爲之還悠悠  
隔雲雨杳杳不可攀

日落天氣涼逍遙步庭墀蟋蟀已在宇鴻鴈來何遲少  
壯輕遠游衰老傷別離念我親與友各在天一涯音容  
兩契闊悲歡絕相知鍛羽懷舊林葺鱗思故池百年能

明詩綜卷二

十三

幾何逝者無還期俛仰增感歎有懷當語誰殷勤託宵  
夢聊用慰所思

久旱草不生一雨青滿地新萹與舊杓好醜各自嬉  
啣黃鶯吟習習玄鳥至閒庭人跡稀白日澹清氣平生  
孟公綽庶足無妄覲但願長若斯撥置身外事

秋高潦水涸旻天亦淒清枯籜響悲音羈蟲振餘聲  
墮暄落日暉慘慘游子情風林無定枝馳車鮮安旌自媿  
匪賢達默默嗟其生

遣興

避地適他鄉息肩謝羈束生事未有涯暫止聊自足南  
園實清曠可以永幽獨曾樓面羣山俯見湖水綠雜英

被郊甸魚鳥得棲宿登臨且慰意未暇計遠躅聖賢有遺訓知命夫何卜

琴清堂詩

亭亭嶧陽桐斲爲綠綺琴絙之朱絲絃彈我白雪音虛堂夜迢迢華月耿疎林鳳皇天上來虬龍水中吟曲罷起太息無人知此心

周青士云神似蘇州

晚同方舟上人登師子巖作

落日下前峰輕煙生遠林雲霞燄餘姿松柏澹清陰振策縱幽步披榛陟層岑槿花籬上明莎雞草間吟涼風自西來颼颼吹我襟榮華能幾時搖落方自今逝川無停波急絃有哀音顧瞻望四方悵焉愁思深

謝茂秦云逸韻  
聽舉幽思泉發

新春

明詩錄卷二

十三

昨夜東風來吹我門前柳柳芽黃未全草根青已有鷄鳩屋上鳴勸我嘗春酒我髮日已白我顏日已醜聞尊聊怡情誰能計身後

和石抹公得令字

勾芒發陳根北斗轉東柄衆星各參差威孤何時正好生雖聖心明刑亦王政哲人慎謀始斯焉獲終慶徒言兩階舞可以懷逆命不見三危山萬里竄梟獍世德異唐虞民情好爭競那無跗扁醫尚有膏肓病波濤地軸駭虎豹天關夔雨露當春滋風霜及秋勁誰能奉明王順天行號令

送普顏子壽赴廣西憲幕

離維荆衡南迤邐走蠻徼民風雜猺蠻地勢帶蒙詔迨  
迨商周前風水絕纖竅後王務廣土懷柔倚攻剽羈縻  
非本情疲疴復誰療大明侔日月幽裔靡不照化育之  
所加欣榮及蓬藿憲府儻百司選擇自廊廟偏方異習  
俗賦性實同調培養自殊塗激揚貴知要願言崇令業  
以繼南國名

望武夷山作

飲馬九曲溪遙望武夷峰長林抱迴合丹厓造空濛浮  
暉澹寒翠水木皆曼容薄游限塵務促景尼奇蹤緬懷  
紫陽子千載誰與同瓊佩邈煙霧石函闕遺封羈縻怨  
幽澗飛蘿冒芳叢瑤琴空流泉桂枝徒秋風悵望佳期  
阻纏緜憂思重殷勤尺素書願寄雲間鴻

早發建寧至興田驛

雞鳴戒晨裝上馬見初日露泫葉尚俯霧重山未出客  
塗得霽景緩步非縱佚矧茲歲有秋高下俱穎粟牛羊  
散原野鵝鴨滿阡術懷抱旣夷曠神情自清謐寒花蔓  
籬落候蟲響蒙密霞標青楓林雪綻烏白實幽覽雖云  
遽佳趣領已悉我行固無期况乃塵事畢

自衢州至蘭溪

秋郊斂微雨霽色澄人心振策率廣路逍遙散煩襟疎  
煙帶平原薄雲去高岑湛湛水凝碧離離稻垂金蒼麥

霜始秀玄蟬寒更吟幽懷耿虛寂好景自相尋心契清  
川流目翫嘉樹林歌傳滄浪調曲繼白雪音仙山在咫尺  
早晚期登臨

壬辰歲八月自台州之永嘉度蒼嶺

昨暮辭赤城今朝度蒼嶺山峻路屈盤峽束迷晷景豁  
豁出風門坎窞入天井冥行九地底高闕羣木頂瀑泉  
流其中激若洩溟津哀後嘯無外去鳥飛更永僕夫怨  
跋涉瘦馬悲項領盜賊遑天誅平人遭災眚佇立盼欽  
岑心亂難為整

夢草堂遣懷

卽事在自得強歌非正音所以春草句聲價重兼金若

明詩錄卷二

十五

人千載下遺響邈難尋淒涼一池塘賴爾得至今我來  
當杪秋天淨橫潦沈枯荷有餘馨衰柳無殘陰鼓鞀響  
未已山水意徒深感時念兄弟惻愴傷我心

○在永嘉作

高屋集飛雨蕭條生早寒我來復幾時明月缺已團浮  
雲蔽青山山川杳漫漫狐狸嘯悲風鯨鯢噴重瀾孤鷹  
號南飛音聲淒以酸顧瞻望桑梓慷慨起長歎願欲凌  
風翔惜哉無羽翰中夜百感生展轉不遑安枯荷響西  
池槁葉鳴林端寥寥天宇空冉冉時節闌舉俗愛文身  
誰識章甫冠河流未到海平陸皆驚湍旗幟滿山澤嗚  
呼行路難

晨詣祥符寺

上馬雞始鳴入寺鐘未歇草際起微風林端澹斜月僧  
房湛幽寂假寐待明發松徑斷無人經聲在清樾

登安仁驛

雞鳴發山驛天黑路彌險煙樹出後聲風枝落螢點江  
秋氣轉炎瘴濕雲難斂佇立山雨來客愁紛冉冉

題山水圖

江上何所有高低千萬峰結廬覆以茅取足聊自容綠  
樹旣翁鬱清溪亦油溶地僻無車馬後鳥多相從日落  
沙際明寒煙澹疎松蒼茫雲霞外隱見青芙蓉悠然一  
舸還好景時獨逢歸來山月出古刹鳴昏鐘

明詩綜卷二

六

別峰和尚方丈題唐子華山陰圖

連山走坡陀大谷入曖曖屋藏深樹中路出巨石背煙  
雨時有無澗壑互顯晦輕盈曳飛綃縹緲沃浮黛雄梁  
矯脩鼉驛壁駸文璫崢嶸紫霞高屈曲白水匯陰森神  
鬼宅奮迅龍馬隊風雲氣象寬日月光炯碎借問此何  
鄉或有捐余佩荅云越山陰信美無與對自從永和來  
燕游推勝槩佳人去不還盛集嗟未再唐令實好奇掇  
拾歸画繪上人遠公徒我亦淵明輩會晤屬時艱觀覽  
增慷慨故園沒灌莽舉足蛇豕礙放歌自太息激烈驚  
厚載

寄江西黃伯善兄弟

我思美人乃在洞庭之陽彭蠡之陰衝波亘天三百里  
離恨比之應更深揚瀾咆哮左蠡怒白日慘慘玄猿吟  
欲往從之憤余心鼃鼃艱碗不可以駕風縱縱芳雨淫  
淫望厭原之飛煙邈匡廬之高岑虹旌孑翠羽昌容孑  
鳳皇舞妝衣孑蒞襟玉笙吹孑紫鸞音望不見孑悲莫  
任

徐資生華山圖歌

華嶽插天七千丈丹崖翠壁開仙掌壁間擘出黃河流  
大禹以之分九州河流袞袞赴溟漲華嶽拔出天河上  
雲宮霧窟疑本無石室金臺儼相向玉泉高通玉井津  
中有蓮實如車輪世人肉食未羽化可望不得聊相親

明詩綜卷二

七

高堂晚晴圖画展眼明一見心目遠世間塵土今紛紛  
吾當拂衣卧山雲

夏夜台州城中作

江上火雲蒸熱風欲雨不雨天夢夢良田半作龜兆坼  
秔稻日夕成蒿蓬去年海賊殺元帥黎民星散劫火紅  
耕牛剥皮作戰具鉏犁化盡刀劒鋒農夫有田不得種  
白日慘澹衡茅空將軍虎毛深玉帳野哭不入轅門中  
健兒鬪死烏自食何人幕下矜奇功今年大軍蕩淮甸  
分命上宰麾元戎舞干再見有苗格山川鬼神當效忠  
何爲旱魃還肆虐坐令毒沴傷和冲傳聞逆黨尚攻剽  
所過丘壟皆成童闔司恐畏破和議斥埃悉罷雲邊烽

殺降共說有大禁無人更敢彎弧弓山中悲啼海中笑  
蜃氣繞日生長虹古時東海辟孝婦草木枯瘁連三冬  
六月降霜良有以天公未必長瘡聾只今幅員廣無外  
東至日出西太蒙一民一物吾肺腑仁者自是哀癯痾  
養臬殪鳳天所厭誰能抗疏回宸衷夜涼木末挂河漢  
海嶠月出光玲瓏仰視皇天轉北斗嗚呼愁歎何時終  
陳彥德以画見贈詩以酬之

君不見昔日米南宮又不見今時趙學士能將翰墨爭  
鬼工天下流傳名父子栝蒼處士身姓陳小郎英俊尤  
可人欲收大地入掌握筆意所到有神曉移小幅來  
贈我紅日滿窗花婀娜開軒展視心眼寬如在岳陽樓

明詩綜卷二

六

上坐湖波吹煙入遠山君山乃在湖中間蒼梧九疑隔  
湘浦孤雲目斷幽篁斑漁舟一葉來何處巫峽雨昏啼  
鴉暮澤畔行人久不歸沙上輕鷗自飛去陳公子聽我  
歌深林大谷龍蛇多蓬萊三島可避世欲往其奈風濤  
何

題富好禮所畜村樂圖

我昔住在南山頭連山下帶清溪幽山巔出泉宜種稻  
繞屋盡是良田疇家家種田恥商販有足嬾踏縣與州  
西風八月淋潦盡稻穗櫛比無蝗蝻黃雞長大白鴨重  
瓦甕琥珀香新篛芋魁如拳栗殼赤獻罷地主還相酬  
東鄰西舍迭賓主老幼合坐意綢繆山花野葉插巾帽



竹箸漆椀兼甃酒酣大笑雜語詭跪拜交錯禮數稠  
或起頓足舞侏儒或坐拍手歌甌篋傾盆倒榼混醯醬  
爛熳霑漬方未休兒童跳躍坐誼諫執遁逐走同俚囚  
出門不記舍前路顛倒扶掖迷去留朝陽照屋且熟睡  
官府亦簡少所求寧知宴安含酖毒未耜一變成戈矛  
高門大宅化灰燼蓬蒿瓦礫塞道周春燕營巢在林木  
深山露宿隨猿猴三年避亂客異縣側身天地如浮漚  
親朋阻隔童僕散疏食水飲不自謀有時惆悵夢閭里  
驚覺五內攢百憂君家畫圖稱絕妙鑿別曾遇柯丹丘  
想應臨榻出祕府筆意精到世罕儔村歌社舞自真率  
何用廣樂張公侯太平氣象忽在眼令我感愴涕淚流

近者鄉人來報喜今歲高下俱有秋豺狼食飽卧窟穴  
軍師已運招安籌人情自古共懷土况乃霜雨淒松楸  
神龜且被豫且困予所勿念天我尤積薪厝火非遠計  
誰能獻納陳嘉猷長江波浪接淮泗白日慘澹騰蛟蚪  
天下農夫總供給隴畝不得安鋤耰市中食物貴百倍  
一豕之價過於牛魚鹽菜果悉買米官幣束閣若贅瘤  
朝餐僅了愁夕膳誰復有酒澆其喉循環天運往必復  
邪氣暫至不遠瘳此生此景須再覩引領悵望心悠悠

○寄宋景濂

我思美人乃在仙華之山山前夜半挂河漢天津兩旗  
俯可攀我欲從之阻河關初平不來白羊死瘦骨蝕盡

莓苔頑風沙蕭蕭隔人間玄霜日夕凋玉顏有鳥有鳥  
丁令威側身下上空孤飛女媧石墜翮脚折海水散作  
雲霏霏山中有奇樹一華一千秋美人何不折寄我使  
我歎恨長凝眸深沉洞谷山鬼集陰氣六月冰霜留嗟  
哉美人誰與儔明年定約赤松子與爾羣峰頂上遊

二鬼

憶昔盤古初開天地時以土為肉石為骨水為血脈天  
為皮崑崙為頭顱江海為胃腸嵩嶽為背脊其外四岳  
為四肢四肢百體咸定位乃以日月為兩眼循環照燭  
三百六十骨節八萬四千毛竅勿使淫邪發洩生瘡癩  
兩眼相逐走不歇天帝愍其勞逸不調生病患申命守

明詩綜卷二

二

以兩鬼名曰結璘與鬱儀鬱儀手捉三足老鴉脚踏  
火輪蟠九螭咀嚼五色若木英身上五色光陸離朝發  
暘谷暮金樞清晨還上扶桑枝揚鞭驅龍扶海若蒸霞  
沸浪煎魚龜輝煌焜耀啓幽暗燠煦草木生芳莢結璘  
坐在廣寒桂樹根漱燕桂露芬香菲啖服白兔所擣之  
靈藥跳上蟾蜍背脊騎搖光弄影蕩雲漢閃奎燦壁葩  
花搗手摘桂樹子撒入大海中散與蚌蛤為珠璣或落  
巖谷間化作珣玕琪人拾得喫者胸臆生明暈内外星  
官各職職惟有兩鬼兩眼晝夜長相追有物來掩犯兩  
鬼隨即揮刀鉞禁制蝦蟇與老鴉低頭屏氣服役使不  
敢起意為姦欺天帝憐兩鬼暫放兩鬼人間俟一鬼乘

白狗走向織女黃姑磯。槌河鼓寨兩旗跳下黃初平。牧羊羣烹羊食肉口吻流膏脂。却入天台山呼龍喚虎聽。指麾東巖鑿石取金卵。西巖掘土求瓊葳。巖窠洞砦石梁折。驚起五百羅漢。半夜撥刺衝天飛。一鬼乘白豕。從以青羊青兔赤鼠兒。便從閣道出西清。入少微浴咸池。身騎青田鶴。去採青田芝。仙都赤城三十六洞主。騎鸞翳鳳來。陪隨神魁清唱。毛女和長煙。裊裊飄熊旂。蜚廉吹笙虎擊筑。罔象出舞奔馮夷。兩鬼自從天上別。別後道路阻隔不得相聞。知忽聞寒山子往來說。因依兩鬼各借問。始知相去近。不遠何得不一相見。敘情詞情詞不得敘。焉得不相思。相思人間五十年。未抵天上五十

炊。忽然宇宙變。差異六月落雪冰。天遠鼉鼉山上作窟穴。蛇頭生角角有歧。鰐魚掉尾斫折巨鼈脚。蓬萊宮倒水沒楮攬槍。枉矢爭出逞妖怪。或大如瓊盃。或長如委蛇。光爍爍形躩躩。叫鹿豕呼熊羆。爛吳回翔魁。臚天帝左右無扶持。蚊蟲蚤蟲蠅蚋。蜚膚啞血圖飽肥。擾擾不可揮。筋節解折。兩眼螻不辨妍與媿。兩鬼大惕傷身。如受笏笞。便欲相約討藥與天帝。醫先去兩眼。醫使識青黃紅白黑。便下天潢天。一水洗滌盤古腸。胃心腎肝肺脾。却取女媧所搏黃土塊。改換耳目口鼻牙舌。峩然後請軒轅邀伏羲。風后力牧老龍吉泰山。稽命魯般詔工倕。使豐隆役黔羸。礪斧鑿具鑪。鉞取金蓐收伐材尾。

箕修理南極北極樞幹運太陰太陽機檄台皇地示部  
署岳瀆神受約天皇墀生鳥必鳳皇勿生梟與鴟生獸  
必麒麟勿生豺與狸生鱗必龍鯉勿生蛇與蠚生甲必  
龜貝勿生蝮與蜥生木必松楠生草必薺葵勿生鉤吻  
含毒斷人腸勿生枳棘覃利傷人肌螟蝗害禾稼必絕  
其蝮蚘虎狼妨畜牧必遏其孕孽啓迪天下蠢蠢氓悉  
蹈禮義尊父師奉事周文公魯仲尼曾子輿孔子思敬  
習書易禮樂春秋詩履正直屏邪鼓引頑嚚入矩規雍  
雍熙熙不凍不饑避刑遠罪趨祥祺謀之不能行不意  
天帝錯怪恚謂此是我所當為眇眇末兩鬼何敢越分  
生思惟嗷嗷向瘖盲洩漏造化微急詔飛天神王與我

捉此兩鬼拘囚之勿使在人寰做出妖怪奇飛天神王  
得天帝詔立名五百夜又帶金繩將鐵網尋蹤逐跡莫  
放兩鬼走逸入噉噉五百夜又个个口吐火搜天刮地  
走不疲吹風放火烈山谷不問杉柏樗櫟蘭艾蒿芷蘅  
茅茨燔焱熨灼無餘遺搜到九萬九千九百九十九仞  
幽谷底捉住兩鬼眼睛光活如琉璃養在銀絲鐵柵內  
衣以文采食以麋莫教突出籠絡外踏折地軸傾天維  
兩鬼亦自相顧笑但得不寒不餒長樂無憂悲自可等  
待天帝息怒解猜惑依舊天上作伴同遊戲

錢受之云此詩

而作所謂二鬼公蓋自謂及金華太史公也其推挹金華如此

蓋擬昌黎二鳥

府多似太白少陵聞學蔡文昌王仲初此又在盧仝馬異聞奇怪直仿佛昌黎矣

過南望時守閘不得行

客路三千里舟行二月餘壯顏隨日減衰鬢受風疎  
草須句國浮雲少吳墟愁心如汶水蕩漾遠青徐

殺氣

殺氣乾坤黑陰氛日月黃已成心曲亂不復鬢毛蒼  
夜哭城笳裏朝煙野戍傷扶傾無郭李何地尚耕桑

望孤山作

返照千山赤寒煙一鳥青羈心霜下草生態水中萍  
黃屋迷襄野蒼梧隔洞庭空將垂老淚灑恨到滄溟

青絲馬

蹀躞青絲馬艱難赤伏符窮陰歲欲暮落日鬼相呼  
見鴈愁心裂看天淚眼枯殷勤夜深月還照旅魂孤

古戍

古戍連山火新城殷地笳九州猶虎豹四海未桑麻  
天迴雲垂草江空雪覆沙野梅燒不盡時見兩三花

客路

客路秋風裏扁舟夕照時渚鴻魚復陳江樹井陘旗  
衰朽嗟誰與愚蒙荷帝慈山中牧羊子歲暮爾相期

不寐

不寐月當戶起行風滿天山河青靄裏刁斗白雲邊  
避世慙商綺匡時媿魯連徘徊懷往事惻愴感衰年

夏日雜興

曾樓迢遞俯清郊天際羣山檻外交日暖水禽鳴哺子

風輕沙燕語尋巢綠荷雨洗藏龜葉翠竹煙寒集鳳梢  
可歎仲宣歸未得苦吟終日倚衡茅

二月七日夜泊許村遇雨

漫喜晴天出北門還愁急雨送黃昏山風度水喧林麓  
野樹翻雲動石根宿麥已隨江草爛新泉休共井泥渾  
魚龍浩漫滄溟闊澤畔誰招楚客魂

二月二十三日自黃岡還杭塗中作

日照江邊春樹林繇花亂葉感人心花間蛺蝶漫多事  
葉底杜鵑非好音舉目山川成皓首側身天地一霑襟  
解愁唯有尊中酒疾病年來已厭斟

春興

明詩綜卷二

五

深春積雨感年芳暮館輕寒透客裳翠柳條柔先改色  
紫蘭花冷不飄香山中虎豹人煙少海上樓臺蜃氣長  
燕子新來畏霑濕一雙相對立空梁

次韻和新羅巖上人秋日見寄

愛汝精藍抱翠微青松綠竹共依依龜臺落日明霞綺  
鰻井寒潮長石衣銀杏子成邊鴈到木犀花發野鶯飛  
鐘殘永夜禪心定一任秋蟲促籽機

宿賈性之市隱

今年冬雨不作雪屋頭鳥聲渾似春絕憐草色綠鋪地  
可愛梅花白照人時物已迎新歲換交情空向異鄉親  
忽思昨夜殘燈裏錯認還家夢是真

次韻和孟伯真感興 二首

五載江淮百戰場乾坤舉目總堪傷已聞盜賊多于蟻  
無奈官軍暴似狼綠水青山人寂寂長煙蔓草日荒荒  
弟兄零落音書絕腸斷春風鴈一行

無用文章豈療飢勞生筋骨已支離窮愁杜甫家何在  
落魄陳平志未奇草澤狐狸三窟固江湖波浪一帆危  
故園春色年年到綠葉紅花好爲誰

感興

二月江南雪始飛吳山寒色動征衣莫尋花徑防泥滑  
且掩衡門待日晞弱柳先舒應自損蟄蟲已出更安歸  
乾坤處處旌旗滿肉食何人問采薇

明詩綜卷三

三五

廢雲山堂有感

堂在府治聽事後  
郡守退食之所

雲山堂畔垂楊柳曾見新堂結構成一吏傳言奔里役  
幾家掩淚輟農耕花明粉黛春開宴月照樓臺夜按箏  
破瓦斷埽今滿地綠莎青草爲誰生

次韻和林彥文在縉雲見寄

十年井邑化爲墟滿眼荆榛塞路衢雞犬真成天上去  
神仙不復好樓居風凋野樹無棲鳥水落池蓮有涸魚  
欲訪軒轅問消息太微風雨隔清都

丙申歲十月還鄉作 三首

故園梅蕊依時發異縣歸人見却悲花自別來難獨立  
人今老去復何之未能荷鍤除叢棘且可隨方著短籬

等待薰風暄暖後枝間看取實離離

手種庭前安石榴開花結子到深秋可憐枝葉從人折  
尚有根株爲客留枳枸悲風吹白日若華高影隔青丘  
壞垣蟋蟀知離恨長夜淒涼弔獨愁

小舟衝雨清溪上雨密溪深宿霧昏游子到家無舊物  
故人留客欲空尊荒畦蔓草纏蒿草落日青猿叫白猿  
語罷不須還秉燭耳聞目見總銷魂

聞盜過界首季君山亦蒙訪及以詩言之

妖星何故犯奎躔鶴上雲霄鯉入淵寇退喜聞曾子反  
書焚尚賴伏生傳葢酸并與青檀去瓜苦空餘綠蔓牽  
慚媿北郊湯博士白鹽赤米數相憐

明詩綜卷二

三六

贈西巖道元和尚

西巖寺裏雲巢子不到人間幾十年杖錫野猿迎路側  
談經山鬼立燈前塵飛劫火青春夢雪滿長松白日眠  
近得淵明入蓮社興來時復有詩篇

○愁感代哭

燕鴻北去又南來斷壠荒岡幾劫灰慈母磯寒風落木  
望夫石老雨添苔江流定與天河合客淚還經地底回  
未必春光便銷歇白華猶發燒殘梅

感興

百年強半已無能愁入膏肓病自增千里江山雙白鬢  
五更風雨一青燈絲絃急管誰家宅廢園荒蜜昔代陵



不寐坐聽雞唱盡素光穿牖日華升

江上曲

數樹垂楊綠水邊問郎何不繫蘭船浦沙新漲看山遠  
半夜月明無杜鵑

題沙溪驛

澗水彎彎繞郡城老蟬嘶作車輪聲西風吹客上馬去  
夕照滿川紅葉明

○送鮑生之閩中

青青芳草夾長堤漠漠輕煙送馬蹄他日相思建溪上  
棠梨花發鷓鴣啼

絕句漫興

明詩綜卷二

三

莫道花開便是春莫言沙漲即成津北風過了東風起  
愁殺江頭待渡人

江行雜興二首

馬當之山中江中其下乃是馮夷宮良宵月出江水下  
行人喜值天無風

九龍山西西日沉江雲壓地生層陰汀洲無人蘆葉響  
哮虎一聲風滿林

過閩關二首

關頭霧露白濛濛關下斜陽照樹紅過了秋風渾未覺  
滿山秔稻入閩中

峻嶺如弓驛路賒清溪一帶抱山斜高秋八月崇安道

時見棠梨三兩花

過蘇州 二首

姑蘇臺下垂楊柳曾為張王護禁城今日淡煙芳草裏  
暮蟬猶作管絃聲

陌上清歌最可聽誰知此是斷腸聲就中更有楊枝曲  
恨殺昏鴉及曉鶯

有感

魚鹽充牣稻梁肥誰寤絲華是禍機日暮無人唁亡國  
寒鴉猶帶夕陽飛

明詩綜卷二

明詩綜卷二

三八



明

明詩綜卷三

小長蘆 朱彝尊 錄

舊吳 何煜 緝評

汪廣洋 三十一首

廣洋字朝宗高郵人洪武初為中書左丞封忠

勤伯拜右丞相尋貶廣東有詔數其罪自縊死

有鳳池吟

宋景濂云右丞以絕人之資博極羣籍作為詩章從征伐則震蕩超越在厥廟則莊雅尊嚴 徐子

元云忠勤詩如瑤臺月明鳳笙獨奏 王元美云江朝宗如胡琴羌管雖非太常樂琅琅有致 俞汝成云右丞氣骨雄渾語意爽朗卓然可

傳 顧玄言云忠勤詞新調開不失唐人大簡 穆敬甫云

靜志居詩話忠勤詩饒清剛之氣一洗元人纖縵之態五言如平沙誰對馬落日自登臺湖水當門落松雲衡枕浮懷人當永夜看月上疎桐

對客關春酒當門墜落花天垂芳草地漁唱夕陽村倒藤懸宿鳥絕壁暝挂晴霓暮雲生楚樹涼雨過刊溝碧樹藏壺選清歌登蜃舟江雲垂暝

明詩綜卷三

一

遠楚樹入秋多濁酒傳杯重烏絲界紙勾岸沙留醉卧山鳥峇行歌晴

光生北固暮雨隔西津溼雲纏成鼓高柳聚城鴉濁浪橫衡海斜陽半

在船雲水深藏廟淮流直到門沙明宜見雪月上可行舟涼風吹雨過

好鳥替人還春杯黃梳酒野飯碧芹羹欲住尋芝草因之采茯苓可入

唐人主客圖靜居北郭 猶當避之母論孟載也

別知己

北風吹征帆飄飄西南馳山川聿修阻霜露忽淒其今

我遠行邁豈不念歲時翩彼晨飛鴻翱翔亦何之感我

同袍友感恩懷仳離仳離雖可懷觴酒當載持各言崇

令德金石以為期

明發  
膏車待明發逶迤上河梁親朋羅祖餞冠蓋燦成章條  
風被原隰春日當載陽鳴鳥餘好音雜葩紛衆芳魴魚

始登薦旨酒屢充觴既醉復驢言欲去故傍徨維周仲  
山甫王命慎所將夙夜無有懈庶幾終允臧斯言啓深  
省勗哉何日忘

過宜興西次

唐韻於  
菱切

青青銅棺山下有郡西次次鹵居者多頗與市聲遠野  
篠接深塢疎梅照清淺一丘與一壑安分良足遣我行  
日驅馳適此遂遊行

登忠勤樓聽久孚賀架閣彈琴

画棟棲朝霞層檐宿秋霧振衣坐前楹援琴寫中素幽  
泉鳴澗深落花傷春暮油然聞至音令人起遐慕

繁昌夾

明詩綜卷三

二

繁昌夾繁昌夾口江流狹波濤洶洶雲冥冥蘆葦蕭蕭  
風颯颯權郎三日無北風背牽百丈行澤中前歌未斷  
後歌發野煙孤沒驚飛鴻繁昌夾流深幾許繁昌人民  
夾前住苦竹截篙蘆縛舟打魚燒山自成趣人生處世  
何者榮一褐足以安其生但得有溪可漁有土可耕何  
用出入誇肥輕君不聞五陵公子多豪舉甲第連雲耀  
飛翥朝聞鼙鼓擊春風暮見彤扉鏤秋雨

寄西掖諸友

玉簫吹鳳皇關月寫滄浪故國幾時到高樓今夜長  
候蟲啼露壁涼葉下銀牀無限懷人意裁詩遠寄將

忠勤樓諸老夜直余時守省作詩寄之

西掖延秋爽高樓倚太清玉繩當坐轉銀漢近人明上  
相思經濟諸公任老成不知前席夜曾語及蒼生

晚晴江上

江水鴨頭綠楚山螺髻青鷓鴣啼不盡花發樹冥冥微  
風汎蘭漿落日過松亭勝境思彌愜漁歌隨處聽

登蔣山望江亭次韻

絕頂出華構有時來一登曾將六朝事閒問百年僧寓  
目誠多感投身媿未能暫留林下夕江浦散漁燈

送院判俞子茂進兵番易

江東風日晴把酒送君行好慰三千士將收七十城煙  
花催疊鼓雲騎擁連營山國人爭喜殊方自此清

寄崔元初

明詩綜卷三

三

晴軒種竹罷好月到窗時坐我長松下歌君流水詩墓  
田歸野雀疎雨落山葵偶值南來使殷勤寄所思

嶺南道中

過盡梅關路灘行喜順流滢江元到海橫石不容輞嶺  
樹垂紅果汀沙聚白鷗從來交廣地還是古揚州

灘行

灘上水平沙梭舟蕩落花吳儂不相識對面浣春紗

蘇溪亭

蘇溪亭上草漫漫誰倚東風十二闌燕子不歸春事晚  
一汀煙雨杏花寒

山行

米家圖畫不易得今日見山如見之偶上層巒縱游目  
不知駐馬已多時

江上

三首

大山小山松樹齊千聲萬聲子規啼攬衣起舞夕露下  
三更月落吳城西

褚磯口闊浪如山官船客船前後灣明日天晴大家喜  
看我鼓枻中流還

象牙灘上百花開參差時復見樓臺翠香芹菜綠沙出  
雪色鮒魚上水來

夜泊楊子橋

明詩綜卷三

四

楊子橋頭夜泊船水波纔定月初圓不眠細數經行日  
笑隔東風又一年

嶺南雜詠

五首

牂牁流水碧潺潺潮落潮生草木閒一片海雲吹不起  
越人遙指是崖山

鴈翔城東湧怒濤外洋水長蜚船高莫言昨夜南風急  
今日登盤有海壕

越鹽如雪賽吳鹽諸預初肥竹筍甜何事看山蘇太守  
只將雙蟹較團尖

村團社日喜晴和銅鼓齊敲唱海歌都道二年生計足  
五收蠶繭兩收禾

蠻落人家厭食魚兒孫生長不知書枕榔滿種綠山羅  
翡翠新收越海墟

涼州曲

琵琶初調古涼州萬壑風泉指下流好是貞元無事日  
玉宸宮裏按新秋

竹枝詞

三百六十灘水清桃花春漲近來生催歸不待臨岐語  
昨夜子規啼到明

東吳權歌

二首

太湖茫茫水拍天吳儂只慣夜行船竹枝敲罷燈將滅  
風雨蕭蕭人未眠

明詩綜卷二

五

艇子搶風過太湖水雲行盡是東吳阿誰坐理青絲網  
遮得松江巨口鱸

蘭溪權歌

二首

涼月如看挂柳灣越中山色鏡中看蘭溪三日桃花雨  
夜半鯉魚來上灘

權郎歌到竹枝詞一寸心腸一寸絲莫倚官船聽此曲  
白沙洲畔月生時

晚過清河驛

溯流西望渺如煙黃帽齊將百尺牽日暮雨來風浪惡  
隔河槳鼓換官船

陶安

二首

安字主敬太平府人元末爲明道書院山長王師渡江首率父老奉迎留置幕府歷左司郎中出知黃州降桐城令移知饒州仍改知黃州召爲翰林院學士尋擢江西行中書省參知政事卒于官贈姑孰郡公追謚文憲有知新彙江行

雜詠

俞右吉云郡公謀略文章孝陵推爲第一詩亦拔俗五古未免冗長耳

### 寄豐叔良

阿咸九月到寄我尺書看盡日不釋手空江頻倚闌鄉山微雨外客夢一窗寒遙想林泉勝無憂寢食安

### 湖鄉

淝水新無警湖鄉頗有年稻田驅夜豕蓮蕩捕秋鱖

明詩綜卷三

六

卒黃茅戍歸人白板船數家依綠樹斜日照炊煙

孫

炎 三首

炎字伯融句容人國初辟行省掾尋以省都事

總制處州會苗將叛被擒罵賊死追封丹陽縣

男謚忠愍有左司集

徐子元云左司詞氣豪邁類其爲人渥注神駒一蹴千里 王元美云孫伯融

如新就銜馬步驟未熟時見輕快

詩話伯融至正中與天台丁復同郡夏煜皆以詩名下筆百紙立盡諸處似李長吉質處似元次山在處時明祖命招致伯溫伯溫堅不肯出以寶劍遺伯融伯融作詩以爲劍當獻天子封還之伯溫無以答乃遂迎就見而李時遠詩統謂此劍左司家歲作歌以贈劉者說也

### 寶劍歌

寶劍光耿耿佩之可以當一龍直是陰山太古雪爲誰結此青芙蓉明珠爲寶錦爲帶三尺枯蛟出冰海自從



虎革裹干戈飛入芒碭育光彩青田劉郎漢諸孫傳家  
惟有此物存匣中千年睡不醒白帝血染桃花痕山童  
神全眼如日時見蜿蜒走虛室我逢龍精不敢彈正氣  
直貫青天寒還君持之獻明主若歲大旱為霖雨

題好溪圖送憲使黃繼先

君乘馬望君來枯蒼下君乘舟望君來好溪頭好溪水  
生玳瑁魚好溪水生明月珠好溪水生青珊瑚使君來  
此月再樞惟飲此水無一需使君之清水不如臨別贈  
君青絲轡隨君馬頭行萬里相思之心有如水

贈黃鍊師

留侯弟子有初平九歲從師往玉京天與數書皆鳥迹

明詩錄卷三

七

家傳一劍是龍精瑤池桃核無消息海水桑田又淺清  
我為紫芝歌一曲夜深相荅洞簫聲

全思誠一首

思誠字希賢上海人洪武十五年以耆儒召為  
文華殿大學士兼左中允致仕有砂岡集

寄題玉山草堂

草堂中人天下奇昔聞盧鴻今見之鯨牙已出滄海底  
鳳雛猶隱崑山隱村醪醉客飛鑿落竹牀卧月吹參差  
相知何必曾相識画裏題詩寄所思

鮑 三首

鮑 三首  
陶字仲孚崇德人元末薦授翰林不就洪武四

年會試充考試官十五年詔徵耆儒入見命爲

文華殿大學士固辭放歸有西溪漫棗周青士云西溪詩傳

者絕少曩聞海鹽胡氏有刊本求之不得嘗見其

題畫詩云山橫紅葉晚寺鎖碧雲涼亦佳句也

詩話湖州嘉興二志並云仲孚與安吉余詮上海全思誠高郵張長年

四人就徵考實錄入見祇三人其同徵一人未至乃登州張紳非思誠

也又洪武四年會試仲孚以前貢士與翰林院侍講學士詹同同文園

子監司業宋濂景濂吏部員外郎原本景道同充考試官是年主文官

則禮部尚書陶穀中立前翰林院侍講學

士潘庭堅升聞也王元美別集所述未合

### 寓感

迢迢漢川上有女麗且閒佩以雙明珠遊戲清波間  
翩然若飛鴻可望不可攀贈我翡翠羽報之以秋蘭徘徊  
碧雲暮引領空長歎

### 題吳仲圭平遠圖

明詩綜卷三

蒼山遙遙幾千里綠樹參差碧煙起雙帆忽從江上歸  
影落斜陽濕秋水林陰蒼莽鳥不飛石徑蹭蹬行人稀  
松根似可縛茅屋沙尾亦足容漁磯我嘗西遊倚江閣  
極目長空入寥廓好山不肯過江來恨不垂風跨黃鶴  
吳君畫手當代無落筆何年成此圖安能著我巖壑底  
相覓老樵尋釣徒

### 盛叔章畫

煙濕空林翠靄飄渚花汀草共蕭蕭仙家應在雲深處  
祇許人間到石橋

朱善一首

善字備萬豐城人洪武初官至文淵閣大學士

卒謚文恪有一齋集

遠別辭送餘千令李謙山

風浙浙兮雲悠悠木葉落兮天宇秋君胡爲兮不返嗟  
久客兮淹留攬西山兮秀色泛東湖兮弄明月樂莫樂  
兮新知心奚忍兮輕別山有虎兮湫有龍勞余思兮忡  
忡眇餘干兮何許揮五絃兮送孤鴻父老子扶藜兒童  
子竹馬侯之去兮我心悲侯之來兮我憂寫桂權子蘭  
舟摻子祛兮夷猶南州雖好兮不可以久處嗟子去兮  
何以慰我之離愁

宋

訥  
訥八首

訥字仲敏滑縣人元季官鹽山知縣國初徵爲

明詩錄卷三

九

國子助教陞翰林院學士文淵閣大學士遷祭

酒卒于官正德中追謚文恪有西隱棗

李時遠云  
宋公師道

尊嚴爲一代典型詩文渾

健古雅同游諸儒皆推之

間遺民諸集類不避諱當王師之入燕也若王原吉丁鶴年戴叔能陳敬初輩其詩詞指斥未易更僕數宋公身歷通顯其過元宮諸詩悲涼酸楚雖初明通天之表子山江南之賦無以踰之他若華表柱頭相語鶴林陵江上獨歸鴻半船涼色潮生海兩岸秋風浪拍沙縛蘆窰覆低低屋把竹輕撐小小船野航招客買蓮子沙鳥驚人入荻花夕陽野飯烹魚坐秋水蒲帆賣蟹船斷野花迎客攬樓橋津柳颯魚曾向亦自佳

壬子秋過故宮八首

離宮別館樹森森秋色荒寒上苑深北塞君臣方駐足  
中華將帥已離心興隆有管鸞笙歇劈正無官玉斧沉  
落日凭高望燕薊黃金臺上棘如林

萬國朝宗拜紫宸于今誰望屬車塵名聞少室徵奇士  
驛斷高麗進美人朝會寶燈沉轉漏授時玉曆罷頒春  
街頭野服儒冠老曾是花塲視草臣

黃葉西風海子橋橋頭行客弔前朝鳳皇城改佳游歇  
龍虎臺荒王氣消十六天魔金屋貯八千霜塞玉鞭搖  
不知亡國瀘溝水依舊東風接海潮

鬱蔥佳氣散無蹤宫外行人認九重一曲歌殘羽衣舞  
五更妝罷景陽鐘雲間有闕摧雙鳳天外無車駕六龍  
欲訪當時泛舟處滿池風雨脫芙蓉

五雲雙闕俯人間歲晏天王狩未還鸚鵡認人宮漏斷  
水沉銷篆御林閒朝儀無復風雲會郊祀空遺日月顏

明詩錄卷三

十

莫向邊陲動戎馬漢兵已過鐵門關

萬年海岳作金湯一望淒然感恨長禾黍秋風周洛邑  
山河殘照漢咸陽上林春去宮花落金水霜來御柳黃  
虎衛龍墀人不見戎兵騎馬出蕭牆

清寧宮殿閉殘花塵世回頭換物華寶鼎百年歸漢室  
錦帆千古似隋家後宮鸞鏡投江渚北狩龍旗沒塞沙  
想見扶蘇城上月照人清淚落悲笳

雲霄宮闕錦山川不在穹廬毳幕前螢燭夜游隋苑圃  
羊車春醉晉嬋娟翠華去國三千里玉璽傳家四十年  
今日消沉何處問居庸關外草連天

同字同文初名書婺源人元末爲柳州路學正  
遇亂家黃州仕陳友諒爲翰林學士承旨歸附  
後賜今名授國子一云中書博士累官吏部尚書改翰

林學士承旨諡文憲有天衢舒嘯宋景濂云同文襟  
期瀟灑濟以雄博

之學故體物劉亮鏗鏗作金石聲 徐

子元云同文赤色精金與鎗銘自別

詩話同文與吳潛仲樂致和宋景濂齊名號中朝四學

士吳樂韻語寥寥宋亦非其本色於四子中遂爲翹楚

### 清江曲

清江水清峽水黃清江之上多綠楊浣花女兒立沙際  
青裙白足如秋霜蜀山雪消十日雨一夜扁舟欲齊樹  
兩岸猿聲不肯休送君流過峽川去

### 北邙行

明詩綜卷三

十一

累累北邙墳鑿石爲虎羊憶昔葬此初爵封侯與王導  
以方相氏飄飄銘旌揚紫車雜鵠騎鼓喧周行執紼  
人如蟻哭聲動穹蒼相送至窀穸日暮下黃腸生旣享  
華榮死亦增輝光焉知千載後無人奠穀漿寶氣夜忽  
露大盜發所藏不見馬鬣封但見白骨荒空留一斷碑  
龜趺卧夕陽遂令往來者過此生感傷感傷亦何爲生  
死人之常陰陽有晝夜誰云無興亡萬物終消盡天地  
復渾茫何史垂功名何世存文章金石且不堅豈獨人  
久長

### 秋夜吟

桂樹叢叢月如霧山中故人讀書處白露濕衣不可去

題方壺水石圖

古壁之間屋漏痕淋漓元氣凝清渾道人山中守龍虎  
十日不見煙塵昏拂拭填作一枯木下有碎石分崑崙  
斷劍插入怪厓厓老蛟迸出秋雲根神君怒立被玄髮  
欲騎鐵驥超天門當時揮灑妙莫測鬼物驚走如星奔  
青城仙伯絕筆久覩此髣髴其人存玄同隱者臥松雪  
得画遠寄來江村却憶麻姑洞口樹使人一夜勞心魂  
題善原道韓幹黑馬圖

善家堂上書滿厨古今名画頻卷舒我來一見韓幹筆  
龍精自與凡馬殊玄鬣披披首渴烏歎瞳皦皦雙明珠  
黑雲一片忽墜地房星半夜飛神都御溝流水柳千樹

明詩綜卷三

二

圉人騎出拂春露黃金腰帶素花衣馬上回頭看飛絮  
絲韁在手不敢縱追風恐過龍樓去君不見向來画馬  
只画肉神逸之氣多不足幹遺真蹟世所稀使我見此  
思天育善家兄弟一馬驄此馬真與麒麟同白璧玉斗  
亦不換早晚持獻明光宮

送德安張用周遊廬山

匡廬山高雲氣多老木如石盤紫蘿松橋流水度金澗  
我昔結屋山之阿棗落洲邊種柑橘蓮花峰下尋芝朮  
仙宮臺榭作比鄰每欲相從候丹術寄詩晝喚白猿來  
巡杏夜驅玄虎出飛仙別去今幾年海上不見回樓船  
思之夢繞瀑布水玉琴爲奏冰絲絃張君多古學才器

何卓犖紛紛文狸赤豹間五色麒麟生一角朝辭白兆  
山暮過黃鶴樓去觀五老峰翠色連天浮醉揮綠玉杯  
笑贈珊瑚釣商婦亭前歌窈窕灌嬰井上嘶驂駟讀書  
白鹿之洞裏寫字洗墨之池頭匡廬清泉消百憂我所  
樂處君當遊霓旌羽駕在丘壑相逢往往皆仙流與君  
大藥駐光景人間回首三千秋

高暹獻天馬圖歌

蜀人高暹能画馬令人往往愁龍化凡夫肉眼匪方歎  
世間誰是識龍者前年曉御慈仁殿拂郎之國天馬獻  
蘭筋虎脊渥洼姿長風西來起雷電侍臣傳敕貌真龍  
周郎爲圖圖最工玉堂學士揭曼碩早朝奏賦蓬萊宮

明詩綜卷三

十三

當時觀者集如堵敕賜金盤五色露天馬出馳海子東  
但見中天黑煙霧君不聞太宗奔虹赤玄宗照夜白唐  
初曾數江都王今之名画亦難得吾聞高暹善草書墨  
池向復飛龍駒黃鶴樓中獻馬圖藩王一見極所娛天  
機剪取雲錦段玉盃分賜葡萄珠好去京師謁周郎應  
見揮毫九天上翠華所駕皆龍媒何事江南繪屏障

出獵圖

朔風凜凜吹龍沙年年馬上長爲家陰山大漠百草死  
獵遍青海濱天涯旌旗裂盡霜華濕萬騎貔貅似雲集  
蒼鷹歛起若飛電四尺神獒作人立什圍五攻兵法存  
發蹤指示知何人豈無詭遇獲禽者誰能爲爾驚梟分

直將勇氣飽所欲寢虎之皮食虎肉生擒山下九青兕  
射殺巖前雙白鹿日暮歸來雪洗箭血灑腥風滿河曲  
穹廬散野如繇星涼月蕭蕭照平陸酪漿跪進瑪瑙盃  
黃面奚奴眼睛綠明朝滿馬馱爛斑蕃王喜生紅玉頰  
焉知祝網三驅意但醉毘毘紫塞間君不見暴殄天物  
焚咸丘画師之筆學春秋還君此圖長太息使我忽憶  
比蒲蒐

題松鶴蔡先生家藏李伯時西嶽降靈圖

前二人騎  
行後三人

徒步狀若馳獵者其氣最後則有雲氣神人居中嗟夫高鼎家藝者諸志怪  
世或有之但恨無有臣之多聞子產之博物歷覽載籍未遑衷考模寫而  
以俟知者

龍眠居士画入神展画冥搜画中意白日杲杲人出畋

明詩綜卷三

十四

長風蕭蕭雲拂地前有一匹雪色馱次有一匹玄花驄  
兩人冠服何其雄若非將相應王公繇纓寶鞍金匱匣  
各持羽箭懸雕弓後有三人總徒步蒼鷹黃犬行相從  
雲中欵見光燦爛玉輅瑶輿下霄漢不駕紫鳳白麒麟  
海犀天駟多奇玩鸞旌虎節旋低昂星仗霞幢互繚亂  
無乃朝辭太華峰得非曉過雲臺觀輦中坐者真天人  
冕珠龍袞儼昭煥金童玉女續往來慶雲為馭天為階  
長眉刷翠面如月知有道骨無塵埃令人可望不可及  
恍惚雲中相出入衣霑玉井碧蓮香旗翻仙掌露華濕  
我識泰山封禪書不識此画當何如人言西嶽降靈圖  
西嶽或有人間無



送黎蘭谷遊永川

舟子開帆日天風吹雪時關河歲將晏荆楚客何之水  
接三苗國雲迷二女祠經過逢北鴈應有寄來詩

題雲林丹房為葛元德賦

盤龍蒼前翠可食道人鑿雲開竹房丹光出林如月白  
石髓滿山連水香每聞向此采芝朮欲往從君愁虎狼  
展圖使我空歎息三十六峰清夢長

題山陰草堂

草堂正在匡廬山山陰綠玉相對閒雲從雙劍峰前下  
潮到小孤江上還茶煙滿室寫墨竹花雨一簾觀白鷗  
誰似南宮能篆古為君高置軒窗間

宋 濂

五首

明詩綜卷三

五

濂字景濂浦江人元末用薦除翰林編修以親  
老辭入仙華山為道士國初徵至授皇太子經  
居禮賢館修元史充總裁官仕至翰林學士承  
旨兼太子贊善大夫正德中追謚文憲有潛溪

翰苑芝園蘿山諸集

俞汝成云學士詩文俱著而文勝於詩然開國文獻之傳集固不可闕者王

元美云宋景濂王子充雖以文名而詩亦嚴整安切顧玄言公文既博綜詩稍平易李舒章云公開國文士之冠猶襲元調朱朗諸云太史之文舍人遜之書評者以本朝第一目之韻語則非所長集雖多不作可也

詩話王子充敘景濂集云古今文章作者未易悉數即發而論南渡後有東萊呂氏說齋唐氏龍川陳氏各自成家而香溪范氏所性時氏先後又間出近則浦陽柳公烏傷黃公竝時而作踵二公而起者為吳正傳氏張子長氏吳立夫氏當呂氏唐氏陳氏之竝起也新安朱子弟子曰勉齋黃氏寔以其學傳之北山何氏而魯齋王氏仁山金氏白雲許氏以次相傳胡仲敏王子充集云吾發以學術稱者至元中則金公

吉甫胡公汲仲爲之倡汲仲之後則許公益之柳公道傳黃公晉卿吳公正傳胡公古愚卓立並起而張公子長陳公君采王公叔善又皆彬彬附和於下言文獻之緒者以發爲首稱合兩公之言纏之金華文章理學之源備於是矣景濂於詩亦用力爲之蓋心慕韓蘇而具體者

哀海東 有序

客有吏於海東者以能擊貪暴聞然終用是受誣嘔血死予友胡徵君爲著哀辭一通予讀之甚悲竊取其意作哀海東傷姚女二操使善琴者彈而和之

我哀東海而思之苦彼何人斯猛噬如虎我不擊之我民之憂縱不我與覆以我爲仇蒼天雖高冤其有極非血之嘔曷明心赤泱泱大風沉沉寒泉舍旃舍旃我尚何言

傷姚女

有姚者女顏如舜英詆我以醜我其何傷眩白爲黑古亦多有自尤不遑敢誰之咎黃鵠飛來其音閭閻我心苟安何戚弗欣天上下地命也奈何我焉知其他

灘哥石硯歌 有序

朱舍人芾雅士也近見灘哥石硯禁中遂摹榻一本裝池成軸懸之書齋命予作歌填其空處

歌曰

朱君嗜古米黻同三代彝器藏心骨灘哥古硯近獲見驚喜奚翅逢黃琮研煤敷紙巧摹榻訪我一陳始終有唐四葉崇象教梵僧航海來番禺手持貝葉寫健相

翻譯華竺談玄空辭義幽深衆莫識當時授筆唯房融  
硯中淋漓墨花濕助演真乘誠有功愛其厚重爲題識  
七月七日元神龍鬼工雷斧琢削古天光電影生新容  
表將四尺廣踰半作鎮弗遷猶華嵩涉唐入宋歲五百  
但見寶氣浮晴虹南渡羣公競賞識氏名環列縈秋蟲  
朔元雖以實內府棄寘但使煙埃封方今聖人重文獻  
氈蒙舟載來江東風磨雨濯露精彩奉勅昇入文華宮  
宮中日昃萬幾暇侍臣左右咸雲從紫端玄歛盡斤去  
欣然爲此回重瞳重瞳一顧光照日天章奎画分纖穠  
有才沉霾恨已久石如能語誇奇逢維昔成周全盛日  
允戈盾衣并大弓藏諸天府遺孫子用以鎮國昭無窮

明詩綜卷三

十七

願將斯硯傳萬世什襲不下古鼎鐘上明文德化八極  
下書寬詔蘇疲瘥君方執筆掌綸誥願以此言聞帝聰  
老臣作歌在何日洪武戊午當嚴冬

題長白山居圖

滿地雲林稱隱居燕泥污我讀殘書五更風急鳥聲散  
時有隔花人賣魚

宜興強如心避地而歸扁其居曰復初齋來徵子  
詩

昔日攬槍照五兵今歸喜得見時平春風綠酒扶殘醉  
斜立官橋聽早鶯

王

禕  
十一首

裨字子充義烏人國初徵為中書省掾詔修元史與宋濂同為總裁官書成拜翰林待制奉使招吐蕃至蘭州名還改使雲南抗節死建文元年贈翰林學士謚文節正統中改謚忠文有華

川玉堂二集

徐子元云子充詩亦純雅

俞汝成云忠文詩平易切實然在當時與宋潛溪首倡浙東功不可泯

詩話子充文脫去元人冗沓之病體  
製明潔當在景灑之右惟詩亦然

### 南康郡齋書事

郡解新落成餘木蔭階記稍欣吏牘稀麤覺民事理檐  
崔不相猜羣飲硯池水

### 長安雜詩

四首

崔嵬終南山形勢甚磅礴西來挾崆峒東亘聯華嶽長

明詩錄卷三

太

雲覆重巒紫翠入寥廓杞梓產深林龍蛇蟄幽壑淑靈之所鍾宜有異人作如何千載間蹤跡轉蕭索姬旦不復生三代已云邈後來王佐才勞我思景略

羣經載聖道昭昭如日星秦火一何烈燒燔滅其形漢儒事掇拾區區補殘零雖然有遺闕其功亦已宏唐世尚文學君臣益留情琬琰刻文字後先十三經謂茲金石堅不與竹帛并自從鴻都後此刻最為精羅列龔舍內奎壁映晶瑩我言金與石有時亦銷崩有形必有弊斯理詎難徵安知聖人道所託非所憑天地共終始倚歟罔能名

步出城東門穹然見丹牆不知何王宮金碧猶焯煌云

是元帝子分茅鎮此疆傳世僅三葉嗣胤今滅亡深宮  
闕珍果迴溝亂垂楊撫物足流盼感時忽凝傷自古有  
興廢天道非茫茫

人生百年中窮通無定跡譬如風前花榮謝亦頃刻當  
時牧羊豎尊貴今誰敵顛顛種瓜翁乃是封侯客丈夫  
苟得時糞土成拱璧一朝恩寵衰黃金失顏色古昔諒  
皆然今我何歎息

送許時用歸越

舊擢庚寅第新題甲子篇老來諸事廢歸去此身全煙  
樹藏溪館霜禾被石田鑑湖求一曲吾計尚茫然

秦州

明詩綜卷三

九

水積從天降山連與蜀通遺碑李廣宅廢寺隗躡宮度  
隴遲迴際游秦感慨中長憐少陵老曾此歎塗窮

涵池道中

九月忽又暮吾行祇自傷秋兼人共老愁與路俱長野  
果迎霜赤園花帶雪黃故人相慰藉日晚引壺觴

春日繡湖與德元同行

十里華川上年來足勝游雨花林下寺風柳驛邊樓漠  
漠芙蓉浦依依杜若洲平生身外事未許付浮鷗

吳江客中冬至日

十年奔走竟何依轉覺謀生事事非時序每驚愁裏換  
家山長向夢中歸吳江歲晚寒波積楚塞天空鴻鴈稀

酒後登樓倍惆悵，縑塵猶滿舊征衣。

桐廬舟中

瀟灑溪山夢，此邦輕風細雨過。桐江川迴幾訝船無路，  
林缺時看屋有窗。野果青包垂个个，水禽白羽去雙雙。  
到家會值重陽節，新釀村醅正滿缸。

張以寧 十五首

以寧字志道，古田人。元末官翰林學士，承旨明

初例，徙南京，名爲侍讀學士。三使安南道卒。有

翠屏前後集。

陳廷器云：學士詩沉鬱雄健，者可追漢魏清婉俊  
邁者，足配破唐。徐子元云：志道高雅俊逸，超絕

咀吟翠屏，千句可望宋。

王元美云：學士韻語亦

健氣格少充。

穆敬甫云：翠屏健翻凌風急疾無前。

詩話承旨重峰送別一篇，仿太白，可稱合作。李方伯楨題雙燕圖，寄人  
詩云：君家吟窻共我家，郡北西君家。梁間燕我家，梁間栖周尚書枕。送

明詩綜卷三

辛

人詩云：我家白沙渚，君家桐江頭。我家門前水，  
亦向桐江流。當昏從此出，可知是作贈家當時。

送重峰阮子敬南還

君家重峰下，我家小溪頭。君家門前水，我家門前流。我

行久別家，思憶故鄉水。况乃一作故鄉人，相見六千里。十

年在揚州，五年在京城。不見故鄉人，見君難爲情。見君

情尚爾，別君奈何許。送君遽不堪，憶君良獨苦。君歸過

江上，爲問水中魚。別時魚尾赤，別後今何如。

林志尹秋江漁父圖

江風搖柳雲冥冥，小艚釣歸潮滿汀。賣魚得錢共秋酌，  
白酒船頭青瓦餅。樵青勸酒漁童舞，擊甌唱歌無曲譜。  
船前野鴨莫驚飛，我有竹弓不射汝。

予別黃巖十又六年謫焉德薄父老當不復記然  
區區常往來於懷也如晦上人來見語疊疊不能  
休別又依依不忍釋予不知何也賦此以贈

朗公相見廣陵春自云家世黃山人老夫疇昔黃山客  
江海見之情轉親坡陀石上曾波雪遍海蓮峰白於月  
新詩句句鬪清妍高誦長風動疎樾清晨言別索題詩  
我衰詩減黃山時春潮日夕海門去歸報山中者舊知  
題海陵石仲銘所藏淵明歸隱圖

昔無劉豫州隆中老諸葛所以陶彭澤歸興不可遏凌  
歎讌功臣旌旗蔽輶輶一壺從杖藜獨視天壤闊風吹  
黃金花南山在我闔蕭條蓬門秋穉子侯明發豈知英  
雄人有志不得豁高詠荆軻篇竦然動毛髮

題句容同林景和縣尹子尚規登僧伽塔賦

嗟我崇明塔拔地一千丈我攀青雲梯倏到飛鳥上微  
風韻金鐸初日麗銀牖維時十月交葉脫天宇曠羣山  
東南奔平川疊波浪雲間三茅峰圍立儼相向碧瓦浮  
鱗鱗茲邑亦云壯雞鳴四關開攘攘異得喪塔中宴坐  
仙憐汝在塵埃古時登臨人今者亦何往俯觀世蜉蝣  
仰歎彼龍象乃知崑崙巔可以小穹壤同游皆雋英超  
遙寄心賞霜颺天際來毛髮諷森爽太白去千年吾何  
獨惆悵

嚴州大浪灘

東來亂石如山高，長江斗瀉湍聲豪。蛟鼉奔走亡其曹，  
青天白雲揚洪濤。舟子撐殺白木篙，長牽百丈嗟爾勞。  
側身赤足如猿猴，舟中行子心忉忉。山木巖崿杜鵑號，  
夜飲醉歸贈王伯純。是日王德容程子初同飲。

歲云莫矣，客不樂。青雨亭前翫孤鶴，城頭情惜雲下垂。  
竹外騷騷風微作，亭中王郎風格奇。愛竹愛雪仍愛詩，  
開尊酒好客更好。坐中王程俱白者，紅爐照閣生春霧。  
詩思騰騰天外去，玉姬舞倦迴風來。吹倒三山見瓊樹，  
馬蹄蹴響客歸時。留我更盡金屈卮，塵空祇覺乾坤白。  
飲醉那知賓主誰，坐聞一聲兩聲折。攜燈起看竹上雪，  
瑤華翠色森陸離。人影燈光兩清絕，却歸覓紙醉自題。

明詩綜卷三

重

烏啼古寺風淒淒，明年此夜知何處。興發還應訪剡溪，

題馬致遠清溪曉渡圖

致遠廣西宣掾子琬從子學

今晨高卧不出戶，歲晏黃塵九達霧。美人遠別索題詩，  
眼明見此清溪之曉渡。溪旁秀林昨夜雨，落花一寸無  
行路。歌欄桃葉人斷腸，艇子招招過溪去。紅日青霞半  
晦明，白雲碧嶂相吞吐。詩成君別我亦歸，此景宛是經  
行處。我呼九曲峰前船，君帆正渡瀟湘渚。鴈去冥冥紅  
葉天，猿啼歷歷青楓樹。是時美人不相見，我思美人美  
無度。美人之材濟時具，我老但有滄洲趣。他日開圖思  
我時，溪上春深采芳杜。

送同年江學庭弟學文歸建昌



白髮江夫子青雲信獨稀故人長北望令弟又南歸庭  
樹烏先喜江帆鴈共飛東湖春柳色到日上君衣

泊河頭水長

客路春將晚征帆日又曛深山昨夜雨流水滿溪雲渡  
黑漁舟集村空戍鼓聞故園頻夢去植杖已堪耘

寄廣西參政劉允中

重臣授鉞殿南邦五月旌旗過上江青帶碧簪環畫省  
綠沉金鎖護油幢峒丁萬笠春耕野海估千帆曉渡瀧  
銅柱南邊相憶處尺書難寄鯉魚雙

杭州歌

西陵渡口潮水平十五五放舟行樓中燕子慣見客

不怕渡頭津鼓聲

泊沽頭

楚客歸心河水流三更月暈長年愁沙河雨漲催開閘  
半夜櫓聲無數舟

有感

馬首桓州又懿州朔風秋冷黑貂裘可憐吹得頭如雪  
更上安南萬里舟

遇故人胡居敬臨江府送至新淦

翠竹蒼松映白沙清江西畔是君家明年歸路重相問  
分食東陵五色瓜

三吾初名如孫字坦甫茶陵人元末提舉贛江  
學洪武中用薦除左贊善陞學士三十年主會  
試以多中南人坐罪戍邊永樂中卒有璫署春  
坊北園知非化鶴正氣等集桐江俞蓋知茶陵  
合為坦坦齋集

錢受之云學士老於文學典司文章當宿老凋  
謝之日朝廷大制作皆出其手其詩文庸棘不

度  
中程

詩話學士元之故老其詩雖不中程足補庚申外史當張士誠在吳海  
運阻遏元主以御酒龍衣請之不得及蘇州既平學士賦詩云姑蘇自  
王亦豪雄瀟灑東南一旦空稜稻祇今誰阻遏海門元與直沽通又云  
吳中既失無門戶海道長驅有舳艫蓋猶觀元之未亡其云廉簡同心  
如結好蜀吳異地豈俱亡則有感羣雄之失策至云萬年國籍來  
江表一曲琵琶度塞門斯與宋文恪過元故官詩證其樓切矣

錢周左丞

從戎江漢亦多年又領王師過極邊已展召公新土宇

明詩綜卷三

五

載開馬援舊山川諸生俎豆陳兵後父老壺漿拜馬前  
最是老儒淹滯久乞將骸骨早歸田

次蔡元禮過洞庭

翠湖渺渺共天寬過客登臨足解顏兵後已非前殿閣  
望中仍是舊江山涼雲隱映波光裏壞棟欹斜樹杪間  
欲向黃陵懷帝子鷓鴣啼處雨斑斑

寄家

離別家山已數年故園桃李想依然東風客外歸心切  
落日雲邊望眼穿龍虎衛前花夾道鳳皇臺畔水連天  
丁寧為護溪邊石留取歸來繫釣船

墨竹

奎章閣老天邊字薊北山人霜後枝想見披圖明寫處  
循籬看罷落花時

魏

觀七首

觀初名已孫字杞山蒲圻人洪武初就徵授平  
江州學正遷國子助教歷兩浙都轉運使入爲  
起居注進太常卿翰林侍讀學士遷國子祭酒  
尋兩知蘇州府事坐法死有蒲山牧唱

詩話明初循吏政教兼行稱蘇守魏公其修府學則宋景濂記之舉鄉  
飲酒禮則王常宗述之乞言養老官餼有儀三代以後不多見也其五  
言古詩念切民瘼響歸性剛不減元道州近體亦清脫可誦當日高皇  
游觀上苑名與危素宋濂危同吳琳同宴奉天門東戴閣謂曰前日送  
卿還今日與卿飲何其樂也命各賦詩紀之亦稱殊渥矣  
乃緣誣善之人一言坐以慘法甚矣君恩之不可恃也

大同江口舍舟而塗抵樊昌四十里紀實

明詩綜卷三

三五

扁舟畏風濤上馬遵大路馬喜大路平騫然欲馳驚手  
疲兩足痛縱逸恐顛仆呼奴執其轡控馭使徐步前村  
望煙火稍遠得農扈蔬筍兼可求午膳當不誤少頃聞  
病翁喚出蓬頭婦婦出拜且言窮苦日難度夫遠克民  
兵兒小當遞舖翁病經半年寒餒缺調護軍需未離門  
活計不成作荒山要收絲荒畝要輸賦誅求里長急責  
罰官府怒近來點弓兵拘貧放權富迫并多逃亡蒼黃  
互號憩左右三五家春深失耕務紛紜下牌帖勾捉猶  
未杜所言盡真悉俾我心駭怖茲行事咨詢拯恤懼遲  
暮州縣嗟匪才瑣屑誠可惡喪亂民瘼深君王重憂顧  
所以諭旨勤赤子相託付民爲邦之本綏撫在完固胡

為重剝上德阻宣布明當抗封章為爾除巨蠹

建德縣三十韻

乘舟至建德頗愛山水清山水雖可愛人煙苦凋零種  
麥當縣前迂徑入縣庭瓦礫存故基小小才有廳父老  
匍匐來形影何伶仃再拜泣且言弊邑頻遭兵大則吳  
楚交

陳鼎張

小則侯許征

阻兵者二人

逆彼族必夷順此身必刑逃

者凍餒連竄者疾疫并所剩無幾家家戶無全丁爰從  
甲辰秋始見官府明令簿來撫綏曲盡父母誠流離漸  
懷歸沈疴漸蘇醒田萊固多荒未免賦役徵里長紛竝  
緣科需取餘贏語意殊可憐推言慰其情去歲郡守朝  
綸音細丁寧民為邦之本本固邦則寧今而重傷殘救

明詩綜卷三

三

恤誠在卿辟猶澗中魚魚樂澗欲盈又如水載舟水激  
舟必傾此道垂昭昭卿等當力行軍乏捐冗條力役止  
繕營治則待以寬罰則裁以輕耕稼勗有時教養資有  
成苟或負所期憲度巫爾懲懇懇數百言官庶曾共聽  
矧是半月餘捷音下三城疆土益廣遠禮樂逾作興於  
叟宜勉旃行將慶昇平

次韻陳廉使見寄

三月零露雨曾無兩日晴旅懷常寂寞佳節負清明野  
樹暮雲合山溪春水平彭郎有音信處處避回兵

寧國溪上

繆鞞山環水沿洄水繞山鳥啼山翠裏人語水聲間菀

屋連溪塢松舟繫淺灣村翁驅犢去溪女得魚還

遂安舟中

溪徑斜斜入柴門側側開一牛臨水立雙鴨避舟迴病  
眼青山豁歸心白髮催何因莼浦上野老共傳杯

都昌懷舊隱

江霧仍爲兩山花故作容秋風餘鼠雀寒水落魚龍憶  
慨心雖壯羈棲力已慵白雲莼浦上悵望最高峰

夜宿江夏水驛將往衡湘留贈親友

萍屋江聲合松舟月色遲把杯頻改席剪燭共題詩攬  
瑟清湘夜聞簫赤壁時美人千里外迢遞寄相思

吳伯宗一首

明詩綜卷三

五

伯宗名佑以字行金溪人洪武辛亥初開科帝  
親擢第一授禮部員外郎歷武英殿大學士尋  
降檢討有南宮使交成均玉堂四集

詩話閣老首科狀頭自後西江人物繼起於是有狀元多吉水朝士半  
江西之號予嘗購得是科會試錄試者一百八十九人中中式一百二  
十人浙江三十一江西二十七福建二十二山西一十三北平六河南  
廣東各五陝西四山東三廣西高麗各一直隸止二人考宋景濂會試  
錄稱先是京畿遵行鄉試中式者七十二未及貢南宮上求  
治之切皆採用之蓋庚戌京畿所取士先會試而授之官矣

題李氏棲碧樓

唐有謫仙人風骨特高妙晚愛棲碧山閒心付登眺桃  
花與流水目擊領其要遐觀窮有象幽討入無竅不知  
誰相問但覺遺一笑聲落天地間松風紫鸞叫諸孫企  
高躅異世頗同調瑤樓睇空青銀牖生光耀予亦愛其

人臨風劃長嘯

危四首素

素字太樸金谿人仕元至翰林學士承旨洪武初授翰林侍講學士兼弘文館學士謫佃和州

有雲林詩集

詩話太樸居大都鐘樓街明師入燕走報恩寺將入井僧大梓挽出之謂曰國史非公莫知公死是死國史也由是不死兵垂及史庫言於主帥輩而出之累朝實錄得無恙然元史成日曾未獲與筆削近錢受之尚書亦以國史自任乃絳雲樓一炬史燬盡亡將無兩公是非未必皆公故天有意託之邪太樸說學齋文傳鈔都非足本

雲林集係葛邏祿易之所編前有虞伯生送行序

梁國伙文惠公新廟詩

大江從西來萬里流湯湯維唐社稷臣勳業載旂常天子在房陵女后御明堂晨聞牝雞鳴腥聞溢穹蒼猗公

明詩綜卷三

壬八

秉忠義耿耿立廟廊周旋極龜勉論議忽慨慷載御卷冕歸宗社燧有光豈徒保國祚實欲扶天常雲孫江州牧思宮廟薦蒸嘗豆邊孔嚴潔絲石載鏗鏘再拜久屏息低徊想忠良作歌勸臣子百代踵遺芳

泊宮步門

人歸石城邊鳥沒白沙尾秋風涼蕭蕭波靜月如洗水鳧栖不定半夜猶飛起

後買琴歌為鄧旭甫作

鄧敦好琴如好色十年買琴不可得南城縣裏客攜來百鎰兼金君不惜竹林踞坐江盈盈臨江三奏魚龍聽蕭森巖壑秋氣肅洶湧天地霜風清商聲洋洋羽聲苦

月墮寒光君罷撫餘音寄意愁人心別思蒼茫正如許  
爲余再控白玉絃長謠楚語招飛仙招飛仙安得見獨  
立乾坤淚如霰

期馮祥甫不至

寒山壓樓三日雨風卷崩雲亞高樹山人無事不下樓  
空谷寂寥誰與語平生故人大馮君約之不來歲聿暮  
歲聿暮君何之側聞他日撫州去又恐促駕江東歸梅  
花千樹化爲雪寄贈惟有長相思

明詩綜卷三

杭州圖書館



◎ 杭州圖書館

杭州圖書館